





मोहनी नखःया लसताय्

दुर्गा भवानि

सकल नेपाःमि तयत

मनय तक्त्रं पुरेयाना बीमा

जिमिगु—भिन्तुना

नेपाल छाला उद्योग (प्रा.) लि.  
परिवार

पो. ब. नं. १४०४

भैरहवा



# तयज

च्यागूरु

१०६७

नेपाल सम्बत

१०६६

कौला

मोहनी

सम्पादक

नारद बज्राचार्य



व्यवस्थापक

जि. बि. जोशी

कन्हैयाकुमार साय्मि



पिकाक

मी मी थवः



स्वापू - कालिमाति

५/६० पे



दुजः

रामशरण साय्मि

मंगल साय्मि

राजेन्द्र महाजु

बुद्ध ज्यापु

बाखं

मंगलनारायण साय्मि

नारद बज्राचार्य

कविता

उराय्

गिरिजाप्रसाद जोशी

किरणकुमार साय्मि

रामशरण साय्मि

लेख

राजा कर्माचार्य

साःमि, ये

दिपक साय्मि

स्तम्भ

ल्याःकौसां / खने मरु मरु-तयज् /

चुचिनाखँ छज्वाः / धिसिबक धे

जिमिगु खँ

म्ह - १५०



तःजिगु मोहनि नखःया

**लसनायू**

जिमि सकल ग्राहक पिन्त दुनुगलं  
**भिन्तुना**

छिकपिःत मइयूक मगाःगु - पेस्त्री, फुटकेक, क्रिम  
रोल, पाउरोती, केक आदि नसा ज्वलंयानिति जिमित  
लुमंका दिसै ।

अत्याधुनिक मेसिनं तयार याना छिकपिनि - सेवाय्

सदां तयार जुयाः दंवयागु दु ।

**यती बेकरी कंपनी (प्रा.) लि.**

फोन - ११७५३.

बागबजार, येँ

**लवय् की परम सत्रु खः**

उकें थःगुहा स्वस्थ्य तय्त

**जिमित लुमंका दिसै**

जिमिथाय् - ल्वंगि जाँचय् याय्गु, इन्जेक्सन बीगु नापं  
छितः माःगु सकतां वासःया व्यवस्था दु ।

**श्री दक्षिणकालि फर्मा**

इ - सुथ ७ - १० बजे

बहनी - ५ - ८ "

कालिमाति



तःजिगु मोहनी नखःया भिं लसताय्

सकल नेपाःमितय्त

जिमिगु दुनुगलं निसैं

**भिन्तुना**

छिकपिन्त माःगु - डिजेल, पेट्रोल, गेयेर आयल,  
मोबिल आदिया निंतिं जिमित लुमंका दिसैं ।

**गौरी शंकर स्टोर्स**

फोन - ११८५३

घंटाघर

मोहनी नःखया लसताय्

सकल नेपाःमितय्त

**भिन्तुना**

**गुठी संस्थान**

परिवार

रामशाह पथ



सकल नेपाःमी तय्त

मोहनी नलःया लसताय्

दुर्गा भवानि

मनय् तक्व पुरययानाबीमा

जिमिगु-भितुना

चितवन कोइ नेपाल (प्रा.) लि.

फोन - १५२२४

१३८१५

३४३ प्पूखा त्वाः

ये - ८



# माध्यमिक तँया बीज गणित सफू व विद्यार्थीतय् भविष्य

—राजा कर्माचार्य

थनि च्यादै न्ह्यो पुलांगु शिक्षाय् एक रूपता व स्तरीय खने महुगु ताय्का न्हू शिक्षा योजना लागु याय् हःगु खः । तर थौं तक नं थ्व न्हू शिक्षाया पाठ्य सफू एक रूपता व स्तरीय जुइ मफूगु तसकं दुःखया खँ खः । खय्तला इलय् ब्यलय् सफू स्तरीय यायेगु तातुनाः छुं सुधार जूसां विद्यार्थीतसे थःगु संका निवारण याये फुगु धाःसा खने महु । पाठ्य वस्तुया इकाइ समानता महुगुलिं यानाः सन्तुलनया निम्ति गुलिं अनावश्यक खँयात लिकाय् माःगु खनेदुसा गुलिं आवश्यक खँ मगागु नं खनेदु ।

खास याना माध्यमिक तँया हिसाब सफूयात स्वयंबलय् थुकथं अनावश्यक व द्रुत खनेदु—

१. अनावश्यक रूपं छगूहे सफुतिइ वहे खँ लिसा लिसा कया धयाचवनीगु ।
२. आवश्यक खँ तोफिगु ।
३. सफुतिइ ज्ञान बिइ न्ह्यो लिसः मब्युसे न्ह्यसः जक न्यना तइगु ।



४. बिद्यार्थीतयत् छे जयाया रूपय् बिइमाःगु अभ्यास म्हो जुइगु ।
५. गणितिय खंघःत जवर्जस्ति छु अंश जक पाय्छि जुइक संस्कृत वा नेपालिइ हिइका तइगु । व खंघयन् एक रूपता मदइगु । गथेकि Median यात छगू सफुतिइ मध्यमा चवया तःसा मेगुलिइ बिच रेखा चवयातइगु । अथेहे Congruent यात छगुलिइ सर्वांग सम सा मेगुलिइ अनुरूप चवया तइगु । थथे चवःसां ह्यापाया सफुतिइ थथे चवया, थुगु सफुतिइ थथे चवयागु धका तकं सुचं मबीगु ।
६. थथेहे गणितिय चिस नं एक रूपता खने मदु । गथेकि न्यागु खंघ नं बराबर जूगु चियात तंगि ८ या सफुतिइ तंगि ९ या सफुतिइ = व तंगि १० गूया सफुतिइ = बिया-तःगु दु ।

थुकथं नच्चागु न्यापुयात वाला पवाला याय्गु ज्या जू वंगु दुसा मेहे तंगि १० खय् इच्छाधिन हिसाब काः पिसं जक याय् माःगु हिसाब यात तंगि ९ स अनिवार्य हिसाबय् हे दुथ्याका तःगु दु ।

थथे सफुतिइ दुगु द्वयात खुगू खुगू संस्करण तक नं सुधार मयागुलि योजना बिदत्तयसं थःगु प्रयोग शालाय् देया कर्णधार बिद्यार्थीतय् भबिश्य नाप खेलबाद जक याना मच्चंला धंथे चवसा सफू चवके धुंका व सफू गथे चव जांचय् याइगु बोर्ड मुलि निस्क्रिय धेगु खंयात नं प्रस्त कयं । उदाहरणया निम्ति तंगि ९ या बीजगणित सफूया छगू द्वयात थन न्याव्वय्गु अप्रसंगिक जुइमखु ।

औसं सिद्ध, लघुतम समापवर्त्य (ल. स. L. C. M.) व महत्तम समापवर्तक (म. स. = G. C. M.) निगू बिधि याये जिउ । बिधित थथे खः, (क) गुणन खण्ड बिधि व (ख) भाग बिधि । गुणन खण्ड बिधि ल. स. वा म. स. पिकायेबले लिसः गुणन खण्डतय् रूपय्



बः सा भाग बिधि यायेबले लिसः गुणन खण्डतय रूपय् मवसे (क) बिधि पिबंगु गुणन खण्डतय गुणनफलया रूपय् बड । अर्थात् बिधि न्ह्यागु हे थजुइ बिउ पाय्छिगु लिसः छगू हे जक दइ । तर तगि ९ या बीज गणित सफुतिइ च्वंगु 4.5c या भाग बिधिइ याःथे अथवा वहे सफूया भाग बिधिमा सुत्र कथं स्वंगू वा स्वंगुलि अप्पो अभिव्यञ्जकतय (Expression) ल. स. पिकायेबले लिसः पाय्छि मजुगु पिदनिइ । अर्थात् भागबिधि व गुणनखण्ड बिधि ल. स. पिकायेबले व हे छगू हिसाबया लिसः छगू जक मजुसे निगू पिदनिइ । कारण थथे खः- थौं तक गुगुं नं सफुतिइ खने मडुगु, गुगुं नं नियमय् मडुगु स्वंगू अभिव्यञ्जकतय ल. स. पिकायेत तप्यंक थ्व सफुतिइ निगू अभिव्यञ्जकतयत जक छचले जिउगु सुत्र छचलाः उदाहरण 4.5c या हिसाब यानातःगु दु । थुलि जक मखसे, थ्वहे उदाहरण सिधयेवं, निगू या निगुलि अप्पो (थथे धायबले स्वंगू वा स्वंगुलि अप्पो धाये थें जुल) अभिव्यञ्जकतय ल. स. तप्यंक व हे सुत्रं पिकायेगु लें क्यनातःगु दु ।

निगू जक अभिव्यञ्जकतय लागि छचलेगु पाय्छिगु सुत्र थथे खः-

$$\text{ल. स.} = \frac{\text{निगू अभिव्यञ्जकतय गुणन फल}}{\text{वहे निगू अभिव्यञ्जकतय म. स.}}$$

-----१

तर सफुतिइ न्ह्यायको नं अभिव्यञ्जकतय लागि छचलातःगु पाय्छि मजुगु सुत्र थथे खः-

$$\text{ल. स.} = \frac{\text{अभिव्यञ्जकतय गुणन-फल}}{\text{वहे अभिव्यञ्जकतय म. स.}}$$

-----२



जब गुगुं नं निगू अभिव्यञ्जकतय् दथुइ साफा गुणन खण्ड  
(Common Factor) त धइगु हे दइमखु, अबले जक सफूया  
सुत्र (२) छ्यला: पिदंगु ल. स. जक पाय्छिगु. लिस: जुइ । तर मेगु  
गुगुं नं इलय् सुत्र (२) छ्यला: पिदंगु लिस: ल. स. मजुसे ल. स. या  
Multiple जक जुया: पिदनिइ । अर्थात बियात:गु अभिव्यञ्जकतय्गु  
Common-Multiple जक पिदनिइ ।

तर सुत्र (१) छ्यला:, स्वंगू वा स्वंगुलि अप्पो अभिव्यञ्जकतय्  
ल. स. पिकायेत बबय्चवंगु नियम लुमंका तयेमा: । भागबिधि यायेबले  
श्वहे नियम छ्यलेमा: । नियम❀ थथे ख:-

(क) बियात:गु अभिव्यञ्जकत,  $P, Q, R, S$ , आदि मध्य  
न्हापां गुगुं नं निगू (धाये  $P$  व  $R$ ) या ल. स. सुत्र (१) छ्यला:  
पिकयादिसँ ।

(ख) अले (क) नियमय् पिदंगु ल. स. व मेगु गुगुं नं छगू  
ल्यंदुगु अभिव्यञ्जक कया: (धाये  $S$ ) वहे सुत्र (१) कथं ल. स. पिकया  
दिसँ ।

(ग) अभिव्यञ्जक ल्यं बत्तले श्व हे क्रमं पिदंगु वकले लिपाया  
ल. स. हे दक्को अभिव्यजकतय् ल. स. जुइ ।

उदाहरणया लागि स्वंगू अभिव्यञ्जकत  $X = ab, Y = bc$  व  
 $Z = bcd$  कयादिसँ । प्रष्टीकरणया लागि  $X, Y$  व  $Z$  या ल. स.  
गुणन खण्डबिधि व भागबिधि (सुत्र (१) व सुत्र (२) निगुलि  
छ्यला:) निगुलि बिधि छ्यला: पिकाये ।

गुणन खण्ड बिधि (गु. ख. बि.):—  $X, Y$  व  $Z$  या ल. स.  
 $= abcd$ ,

❀ नियमया दसि स्वयेमा:सा पुलांगु शिक्षाया पाठ्यक्रम अनुसार  
दुथ्या:गु K. P. Basu Algebra स्वयादिसँ ।



भागविधि:-

सुत्र (१) कथं-

X व Y या ल. स.

X. Y

-----

X व Y या म. स.

(ab) (bc)

-----

b

= abc

abc व Z या ल. स.

(abc) (bcd)

-----

bc

= abcd

= गु. ख. बि. या ल. स.

सुत्र (२) कथं-

X, Y व Z या ल. स.

X. Y. Z

-----

X, Y व Z या म. स.

(ab) (bc) (bcd)

-----

b

= ab<sup>2</sup>c<sup>2</sup>d

= (abcd) bc

= (गु. ख. बि. या ल. स.) bc

युक्तं योजनाकारतसे योजना दय्का थःगु ज्या पूर्व भाःपाः, सफूया द्वंगुयात स्वीकार याय्गु थःगु मर्यादाय् घाःलाइ भाःपाः सुं क च्वंच्वन धाःसा अवश्य नं मस्तय् भविश्य स्यनी । उके थये मजुइमा धकाः ध्व च्वसु च्वयाच्वनागु खः । उके थःगु द्वंगुयात याकनं स्वीकार याना द्वंगुयात मेगु संस्करणय् तिनि भिकेगु धकाः मच्चंसे याकनं हे द्वंगु भिका स्कूलय् पो छ्वयाः शिक्षकतय् आवश्यक निर्देशन बिइमाःगु आवश्यक जू ।

यल, १०९९





ल्याः कासा

## मत्तिइतःगु सिइकेगु लँपुइ

सायमि

पासा वा सुं छहसित छसिकथंया स्वंगू ल्याः मत्तिइतय्का दिसँ ।  
छसिकथंया स्वंगू ल्याः धाय्बलय् २, ३ व ४; १७, १८ व १९; १३४,  
१३५ व १३६; १०८४, १०८५ व १०८६; अथेहे मेमेगु नं नाप नाप  
बइगु स्वंगू न्ह्यागु जुइफु । मत्तिइ तःम्हसिया पाखें सिथया निगू ल्याःया  
जोड जक सिइकाः मत्तिइतःगु स्वंगुलि ल्याः सिइके अपाय्स्कं थाकू  
मज्जू । मत्तिइतःगु स्वंगू ल्याः ११, १२ व १३ धाय् । मत्तिइतम्हस्यां  
सिथया निगू ल्याः ११ व १३ जोडय्गाना २४ धकाः छितः धाइ । छि  
स्युगु ल्याः २४ यात बच्छि यानादिसँ, दथुया ल्याः १२ पिदनिइ । दथु  
ल्याः १२ स १ लिकात धाःसा न्ह्याःनेया ल्याः ११ पिदनिइ अथेहे  
दथुल्याः १२ स १ तना लिउनेया ल्याः १३ सिइका दिसँ । छता व  
सिइका दिसँ- सिथया ल्याःतय् जोड न्ह्याबलें बच्छि याय् बिक जोर  
ल्याः जकहे पिदनिइ । बिजोर ल्याः गुबलेसं पिदनिइमखु ।

बीजगणितया आधारय् चवय् बियाकथंया मत्तिइतःगु छुं नं स्वंगू  
ल्याःतय् चवय् बियाकथं चवय्फु-  $X-1$ ,  $X$ , व  $X+1$ .

$$\text{सिथया ल्याःतय् जोड} = (X-1) + (X+1) = 2X$$

$$\text{जोडया बच्छि} = X = \text{दथु ल्याः}$$

ववथोक स्वत धाःसा स्वंगू ल्याःस छुं मज्जेसे Arithmetic



Series या छगू उदाहरण जक खः । थुकिइ दथु ल्याः  $m = (a + b)^2$  या सुत्र कथं पिदिनिइ । सुत्रय्  $m$  या अर्थ दथुया ल्याः खः । अथे हे  $a$  व  $b$  सिथया निगू ल्याः खः । थुगुल्याखं छसिकथंया स्वंगू ल्याः जक सकासे अन्तर उलि उलि हे दुगु (लिउनेया ल्याः व दथुल्याःया अन्तर व दथु व न्ह्याःनेया ल्याःया अन्तर बराबर जूगु) न्ह्यागु नं स्वंगू ल्याः काय्फु ।

मेगु छता खँ-

$$\text{स्वंगू ल्याःतय् जोड} = (X-1) + X + (X+1) = 3X$$

$$\text{जोडया स्वब्वय् छब्व} = X = \text{दथुल्याः}$$

$$\text{अथेहे, } X(X+1) - X(X-1) = 2X$$



नेपाःमिया तःजीगु नखः मोहनिया

लसनाय्

सकल नेपाःमियात

भिन्तुना

टण्डन एण्ड कंपनी

बत्तिसपुतली, येँ

फोन-१२६७२



# मूल्यांकन

उराय्

राष्ट्रिय म्यूजियम हँ व  
गत, फलानाया किपा दु  
फलांया लं दु, तरवार दु

... ..  
ततं पिथा च्वं वः बलय् तकंया  
नं दु ।

तर सहोदया किपा मदु  
छाय्कि,  
न्यापु प्वाथय् लाःपिसं  
राष्ट्रिय धंगुया अर्थ मथू  
अर्थ (धयबा) जक थू ।



भाःतम्ह सुकं च्वंच्वंगु खनाः कलातं न्यन-छाय् ननि मवासें सुम्क  
च्वंच्वनागु ?

पसि व समाःज्वलंया बिलया धेबा पुलेधुंका तलबं न्यातका दां  
ल्यं दत । बिचाः याना च्वनाकि जि सुया बिलया भुक्तानि बिइ लोमन  
-भाःतं कलाःयात ऊवय्पिया स्वस्वं लिसः बिल ।





## फय्खः अपहरण

दिपक साय्मि

बिहिवार १३ अक्टोबर १९७७, मेजोर्सिया विमानस्थलय् लुप्तान्साया ७३७ जेट फय्खः ब्वय्गु छुं ई ग्हाः निम्ह मिजं व निम्ह मिस्त हथा हथासं फय्खतय् च्वनेत वल । साधारण किसिमया वेश-भुषापि व प्यम्ह मनूतय्के कोला छपाः छपाः बाहेक मेगु छुं मदु । फय्खः ब्वय्गु ई जुइ धुंकूगुलि इमित साधारण परिक्षण सिधय्काः छ्वया बिल । मध्य यूरोपिय ई कथं ११.५५ बजे, इलय् हे फय्खः ब्वल । फय्खतय् चालक व परिचारिकात बाहेक ८६ म्ह यात्रुत दु- आपाःयाना जर्मनीत ।

विमान ब्वया ३० मिनेट जक जाःबलय् प्यम्ह नापं वःपि मनूत मध्ये निम्ह मिजंत जुळुक दना, पिस्तोल लिक्का 'ककपिट' पाखे न्ह्यज्यात अले निम्ह मिस्तय्सं जक ग्रेनेड लिक्का यात्रुतय्थाय् तुं च्वन ।

दुने 'ककपिटय्' कप्तान जर्गेन व को-पाइलट भेटर थःगु निश्चित थासय् वनेत कुतः याना च्वन । अबलय् हे 'ककपिटया' लुखा चाय्का पिस्तोल ज्वना निम्ह मनूत दुहाँ वल । इपि मध्ये छम्हेस्यां इमिगु आदेश पालन याय्गु उजं बिल, मयाःसा विमान ध्वस्त यानाबीगु छ्याःचो नं बिल ।

अपहरणकर्ता मध्ये छम्हेस्यां थःत "क्याप्टेन मोहमदया" रूपय् परिचय बिल । क्याप्टेन मोहमदं फय्खःयात इमिसं नियन्त्रण यानागु खं घोषणा यात । ५ फीट ८ इंच दुम्ह मोहमद भचा गंसि तर स्वस्थ जूसां



वया खालय् चिन्ता व तनावया चि स्पष्ट सी दु । थःगु खँ मन्यपि  
यात्रुतयत् वं “तुरुन्त फाँसि” बीगु ख्याचवः नं बियाचवन । तर उकिया  
अःखः मेम्ह मनु भचा शान्त खने दु ।

इमिसं फय्खःयात रोम (इटाली) यंकेगु आदेश बिल । चालक  
तय्सं नं तुरुन्त फय्खः रोम पाखे यंकल । रोम बिमानस्थलय् थ्यंका  
व्याप्तेन मोहमदं अनया ‘कन्ट्रोल टावरय्, सम्पर्क तथाः थःगु पुचःया मू  
उद्देश्य “विश्वया साम्राज्यवादतय्नाप संघर्ष याय्गु” धका कन । व  
जर्मनया जेलय् कुना तःपि थः पासापित त्वःता बीगु माग यात । फय्खः  
अपहरण जूगु खँ, पश्चिम जर्मनया चान्सलर हेल्मुथ स्मीथयायाय् न्हिन-  
सिया २.३८ बजे (बिमान रोम पाखे वना चवंबले) थ्यन । चान्सलर  
स्मीथयात थ्व अपहरण ‘आतंकवाद बिरोध’ सम्झौताया परीक्षण याय्गु  
छगू मौका जुल । [थ्व सम्झौताकथं यूरोपीय समुदायया फुक्क राष्ट्र-  
तसे आतंकवादया कुतः बिफल याय्त, विशेषज्ञतय्गु छगू पुचः दय्केगु व  
मेगु गुगुं राष्ट्रयात नं मालीबले ग्वाहाली यायेगु खः ।]

फय्खः अपहरण जूगु १२ घण्टाया दुने जर्मनी सरकारं निगू  
महत्वपूर्णगु निर्णय यात— न्हापां थः “सन्धि-पासापिके ग्वाहालि पवनेगु व  
मेगु फय्खः मुक्त याय्गु लागि थःगु देशय् चवंगु ‘आतंकवाद निर्मुल विशेष-  
यज्ञ’ पुचःयात खतय् याय्गु । अजाःगु पुचलय् विभिन्न त्वाभःया  
निशानबाजि, कराटे विशेषज्ञ, Swimming Expert, Mountain  
Climber त दइ ।

जर्मन सरकारया निर्णय कथं तुरुन्त हे अजागु पुचःया २८ म्ह  
मनूत भाजु बेगनरया नेतृत्वय् रोम पाखे वन । तर थ्व पुचः रोम थ्यने  
न्हाःहे अपहरण जूगु फय्खः रोम त्वःता वने धुकूगुलि, व जर्मन पुचः  
साइप्रसया लारेन्साय्, फय्खतय् पेट्रोल तथाः बाह्येन जुकाः डुबाइ  
(संयुक्त अरब इमिरेटस्) वना चवं वन ।

व जर्मन पुचः ल्यु ल्यु हे जर्मनया चान्सलर भाजु स्मिथं अप-



हरणकर्तातियनाप खँ ल्हाय्या निति थः परराष्ट्र मन्त्री न छव्या हःगु  
खः । तर परराष्ट्र मन्त्री भाजुया मू उद्देश्यला फय्खः मुक्त याय्त  
'जर्मन पुचःयात' ज्या छिक छगू हे थासय् ताउतक बिस्तार याय्गु  
जक खः ।

फय्खःया 'को-पाइलट' भेटर कथं, अपहरणकर्तातियसं यात्रुतय्गु  
पासपोर्ट स्वःबले, छम्हसिया नां यहुदी थें च्वना, व मिसायाके न्यंबले थः  
'प्रोटेस्टायण्ट' धका लिसः बिल । तर मोहमदं मथुल । अले थुइकेत वःम्ह  
छम्ह परीचारीका थ्यने न्ह्यःहे व मिसायात दाया, सँ पुया थःगु तुती  
भपुइके बिल । लिपा मोहमदं व परीचारीकायात 'यहुदितय्सं साम्राज्य-  
बादया षडयन्त्र याना च्वंगु' व जर्मन नं फासिष्ट साम्राज्याबाद जूगुलि,  
जर्मनया जेलय् च्वंषि थः पासापिन्त मुक्त याय् माःगु खँ कन ।

रोमं डुवाइ थ्यंका अनया विमानस्थलया 'टावर' नाप स्वापु  
तसे क्याप्टेन मोहमदं आइतबार न्हिनसिया २.०० बजेया दुने थःगु माग  
पू मवंसा फय्खः ध्वस्त याय्गु छयाचो बिल । उगु ईया दुने अपहरणकर्ता  
आतंकवादि 'पुचः बादूर माइनहफया' दुजःत जूगु खँ सी दत ।

आइतबार न्हिनसिया १२.०० बजे ती जूबले, मोहमदं फय्खतय्  
तुरुन्त पेट्रोल तया मब्यूसा, ५-५ मिनेट पाकाः फुक्क यात्रुत स्याना  
बीगु धम्की बिल । पेट्रोल तया बीवं फय्खः अज्ञात थाय् पाखे ब्वया  
वन । फय्खतय् पेट्रोल फुना वःगुलि एडेन (द. यमन) विमानस्थलय्  
दिके धका वंबले, अनुमति मबिसे फुक्क 'रन वे' बन्द याना तल । पेट्रोल  
मदय् धुकूगुलि चालकतय्सं संकटकालिन अवस्थाय् विमानस्थलया नापं  
च्वंगु फिसलय् दिके यंकल तर द० यमनया सरकारं फय्खः अन दिका  
तयके मबीगु व पेट्रोल तया तुरुन्त ब्वय्का यंके माःगु खँ न्ह्यःथन ।

तर फय्खः ब्वय् न्ह्यः, चालक तय्सं फय्खः परीक्षण याय् माःगु  
खँ न्ह्यथंगुलि, मोहमदं कप्तानं जर्मनयात फय्खतं ववाहाँ वनेगु अनुमति  
बिल । क. जर्मन नं फय्खः परीक्षण याय्गु पहलं, बिमान घेरय् याना



चर्वापि सैनिक तयत् वना अपहरणकर्तात प्यहा जक दुगु इत्यादि खँ कना वल । लिहाँ वःबले शंका याना मोहमदं कप्तान जर्गेनयात दाया, पाली भपुइका जक सं मगाना 'क्रान्तिकारी भुदा' चल्य याना गोर्लि कय्का फांसि बिल । एडेनं बिमान मोगाडिशु (सोमालिया) थ्यंक वल ।

छह पाइलटया निर्मम हत्या जूगुलि फय्खः याकन हे मुक्त याय् माःगु खँ ऊन अप्पो महशुस जुल । चान्सलर स्मिथं "सैनिक कार्यवाहीया लागि अनुमति काय्त् निकःतक सोमालियाया राष्ट्रपति सियाडबारे नापं खँ ल्लात । नापं अमेरिकि [राष्ट्रपती नं अनुमती बीत अनुरोध यात । अन्तय् भाजु सियाड बारें 'सैनिक कार्यवाही'या लागि अनुमती बिषादिल ।

थ्व समाचार न्यनेवं जर्मनया बिदेश मन्त्री भाजु मोगाडिशु थ्यंकः काल । बिदेश मन्त्री भाजुं कन्ट्रोल टावरं अपहरणकर्ता तय् नाप खँ ल्लाना च्वन । तर क्याप्टेन मोहमदं थःपिनिगु माग पू मवंगुलि ४० मिनेटया दुने फय्खः ध्वस्त यायेगु धम्की बिल । थःगु धम्की पूरा याय्त् इमिसं यात्रुतय्त् व यात्रु सितय् अय्लाखँ छाकल-शायद ऊन तःसकं बिस्फोट याय्त् जुइमा ।

अन्तय् बिदेश मन्त्री भाजुं अन्तिम उपायकथं अपहरणकर्तातय्त् इमिगु माग बमोजिम जर्मनया जेलं ११ ह्य आतंकाबादीत त्वःता ब्यूगु 'समाचार' कन । त्वतूँपि मनूत मोगाडिशु थ्यंकः व हयेत १० घण्टाया इ बिल अले बिमान ध्वस्त याइगु ई नं १० घन्टा लिहां वन ।

थ्व समाचार न्यनेवं जर्मनया 'आतंकावाद निर्मुल पुचः' तं लुपथान्साया ७०७ फय्खतय् च्वनाः वहे बिमानस्थलया मेगु कुनय् थ्यंकवल । थ्व पुचःया फुक्क दुजःतय्सं वाउँगु व वँचुगु लं व पँष्ट न्ह्याना, छवाः नं हाकुसे च्वंका विस्तारं अपहत फय्खःया ल्यूने थ्यंक वन । धातुया स्वाहाने छुं सः मवय्क फय्खतय् दिकल । छवः पत्तिया खापाया छचाःखेलं बिस्फोटक पदार्थ तल । अले बिस्फोटन जुइ साथ



पपुति च्वनाच्चर्बिं पुचःया दुजःतय्सं, बूटिश सैनिकं ब्यूगु विशेष यन्त्र  
संकटकालिन लुखा नं लिकाल । खापा चाय्वं निह्य निशानबाजतय्सं  
बेत्तायतय् बयेकूगु चेतन शुन्य जुइगु ग्रेनेडं फय्खतय् कय्का छ्वत ।  
ग्रेनेडत बिस्फोट जुइवं दुने फय्खतय् चेतन शुन्य, खवाँय् जुइगु सः व काँ  
जुइगु जः नं जाल । +

तीन सेकेण्ड लिपा फय्खःया लुखा नं बिस्फोटनं चाय्काः, पूर्ण  
आत्म सुरक्षासाथ पुचःया निह्य दुजः फय्खः दुने दुहाँ वन । इमिसं  
ककपिटं' पिहाँ बःह्य छह्य अपहरणकर्तायात गोर्लि कय्काः स्यात ।  
क्याप्टेन मोहमद जक ग्रेनेडं पनी साला च्वं च्वं सिनाच्वन । फय्खःया  
'लेमाटरों' पिहाँ बःह्य छह्य मिसायात गोर्लि कय्का स्याना बिल ।

थुकथं फय्खः मुक्त जूबले स्वह्य अपहरणकर्ता व चालक छह्य  
नापंयाना जम्मा प्यह्य मनू सित । अले छह्य अपहरणकर्ता व मेपि  
खुह्य मनूतय्तसाधारण किसिमं धाःपाः जुल । थुकथं फय्खः अपहरणया  
छगू कुतः असफल जुल ।



---

कविता पतिकं छायापा, म्ये हनेजिइक चिनातःगु

भाजु परमानन्दया कविता पुचः

छन्त लुमंका

स्वय ल्वमंका दीमते ।

---

+ चेतना शुन्य जुइगु ग्रेनेडया प्रभाव छुं मिनेटया लागि जक जुइ ।



## खुबि

मंगलनारायण सायमि

आसाया दुने नं ग्यानापुगु छक्का पंजा दु खनी । लुमंनि जितः  
डाक्टरं सान्त्वना ब्यूगु - ग्याय माःगु खं छुं मबु ।

ब लुखा आतकं लुमंनि - तः जाःगु लुखा, छगू अस्पतलाया म  
लुखा । गुलि ग्यानापुगु म लुखा व । छुं मजूह्य मनूनं व लुखाया दुने  
ग्याः । छुं मजूह्य नं व लुखाया दुने वाथा वाथा कने यो । सी यो ।  
जिता व लुखायात जन्म ब्यूम्ह मांया लिधंसा खना च्वनागु । तर तर  
अये मबु खनी । जिमि श्रीमायाया प्राण कयां त्वःतल केबल - ग्याय  
माःगु छुं खं मबु धंगु छत्वाः खं जक । नकि निश्पक्ष उपचारं ।

लुमंनि जःला खःलां छत्वाः म्हुतुं धाःगु - श्रीमाया सीम्हहे  
मबु । तुतिइ जक नि खःनि सोतरं कयःगु, मेथाय्ला छुं जूगु हे मबु ।  
ध्व जीवनं जीवनयातहे हेला । बस...

बिगत लुमंकुं लुमंकुं हे व जीवन लिसे ही चाइ । श्रीमायाया  
किया न्हःने दनी - "श्रीमाया छंत म्वाके मफुत । जि दोकल । जि  
जीवन पाना तर व जीवन जीवन या लागि मबु खनी । धेबाया लागि  
खनी । उके श्रीमाया व चिक्का चाःगु धेबाया दुने, काचाकुचु याये ज्यूगु  
ध्वंया दुने पृथ्वी चाःहिला च्वंगु दु खनी जि सिल ।

चन्द्र त्वलय चाइ... .. ।

-श्रीमाया छ जुलं गुलि बांला । व हिसाबं जिला छंत  
त्वहे मत्वः ।



-छि नं गज्याःगु खं ल्हाना दिइगु । माःत धैम्ह मिजं, कलाः  
धैम्ह हे मिसा, अले श्व क्षणिक सुन्दरतायागु घमण्डी जुयां  
छु याय् ?

-जिगु मन तल छं । छ जिगु कलाः जक मखुः, जिगु बाम्ह  
शरीर नं खः ।-उम्रिमय् श्रीमाया हररर हिल, नाप नापं चन्द्र नं न्हिली ।  
उबले लाक्क चन्द्र लप्पा जनाः श्रीमायायात सालाकाइ ।

-छे गज्याम्ह ।

-बबुली प्याखं हुला च्वं पि थें कीला ।

-प्याखंहे खः श्व जीवन ।

खः प्याखंहे खः श्व जीवन । प्याखंहे खः । म्हिगः तक  
हिलाच्वंम्ह श्रीमाया थौं मन्त । जिगु बाम्ह शरीर मन्त ।

उम्रिमय् चन्द्र हाकनं त्वलय् चाइ...

-छि सिउला, स्वयम्बर बले जि खः कि मखः ?

-खःनि छला । व्हांय् व्हांय् खःगु दुनि ।

-मखु उबले जि खःला मखया । खय् थें जक यानागु का ।  
व नं जिमि तताःजुं खय्माः धका लप्पाय् लाक्क कुति न्याःगुलि  
जक ... । नत्रसा उलि नं याय्गु मखु जि । सी वनेगुला व पय् नं वनेगु  
धैगु । जिला खोइ मखुका ।

-बला छगू रिति थिति का... । धात्थे धाय्गु खःसा पय् नं  
वनेगु दुखहे खःनि ।

-छाय् ? छुकेया दुःख ?

-का मां अबु, छे, थः थिति सकलें त्वःता वय् मासेलि ।

-का अन्याःगुहे खं ह्लाःसा पय् नं वनेमखना थःछेय् बुरिकन्या  
जुया च्वंपिनीगु दसा न्यनेगुला छि ?



-अले मंका छःथाय् म्ह स्वयाबलय् छाय्ले छ ववछुना चवनागु ।  
स्वय्हे मछाःम्ह थें ।

-मछाः पहः मजूणि मिस्त हिसि महु । उकिं मछाल  
चवनागुका...।

चन्द्र महुम्ह कलाः लिसे थमं हनागु जीवनयात लुमंका चवनी ।  
लुमंकु लुमंकुं ज्वलय् नं लासाय् पचि पचि याइ, सायद लासाय् चनाच्वंगु  
दनिला - ...

-जि ध्याप्पाय् चनेमाः धयां - श्रीमायां चन्द्रया ह्याय्पनय्  
म्हुतुदिका घाइ ?

-जि सु धका ध्याप्पाय् ... चनीहला छला छःनि । ग्व ध्याप्पाय्  
महुनि छ । गन सू वना चवना । श्रीमाया .. चन्द्र चिल्लाय् दनी ।

चन्द्र - मामं वया ववथाय् दुस्वया खतं सःति - बाचा ई  
जुइयुंकल । अछ छ मचनानिला । छाय् चिल्लाय् दनागु ?

-मां श्रीमाया महु । न्हाबले ध्याप्पाय् चनीह - थौं महु ।  
सकस्यां छाय् वैत सित धाःगु । व मसीनि । व वइतिनी । व नकतिनि  
थन हे वःगु । मां जि नं मोतरया तःले वनेला ? अले जितः नं मोतरं  
वयली । अले जिनं वहे वंगु लँपुं वने दइ । स्व स्व व खवया चवन तिति  
जि मवःनि धका...।

-छु वै थें हाला चवनागु ? - मांहा हिहि लनिइ ।

-मां वयात मालाचवनागु । सखे व लिहां वया चवनला ... व  
वंगु मखुला ?

मांम्हं खःनं धाय् मफु । मखु नं धाय् मफु । केबल त्वलय्  
चायाच्वंगु मिखां थः काय्यात लिसलय् खबि ज्वंका बिइ ।

-श्रीमाया च्या त्वंले.



-मांयात भागि मयानानि - भौ लुमन मांयात । क्वातां दनाः  
त्वले चाया खयाचबंम्ह मां खना चन्द्र थः नं मिखाय् जाय्क खबि हइ ।

मां काय् निम्हं त्वलय् त्वलय् चाया चवनी । सुम्क ... सुम्क ... ।  
निर्बल । निश्चल । निम्हेस्यां मदिक्क खबिजक हाय्का चवनी ।

निम्हेस्या व खवि तिसलं सः श्वयकी, निम्हेस्यां न्हाय्पने  
धुन्न मिनी-

-जल्ल थोगु श्व छेया मत - छिमि भौ सिइ धुंकल ।

-हररर न्हिलोम्ह जीवन लिधंसा - छं कला सिइ धुंकल ।



---

मोहनी नखःया भिं लसताय्  
सकल नेपाः भित्तय्  
जिमिगु-भिन्तुना !

राष्ट्रिय बाणिज्य बैंक

---



## अनुभव

-नारद ब्रजार्च्य

जितः मखु पासा छम्हेसित । अननं जितः नयेमास्ते वःगुला  
छहे मखु, न्हागुलिइ नं अनुभव यानाः स्वय्मा धकाः जक खः । वं जिगु  
छं यननं बिइत्यनालाया लिसः थुकथं बिल । तर- छेया तःधिकम्ह  
काय् धाःसां म्हाय् धाःसां जिहे छम्ह । मां बौ ज्यायः जुइ धुकल ।  
छेया ब्यबहार अथेहे खः । छगू जागीर न्हाथाय्सां उघिमय् मनःसं  
मजिइ धुकल धकाः वया लिसः जिगु न्हाय्पनय् दुहां वन ।

जि एकटकं वैंत स्वइ च्वना । साय्द जि वया खेयात पत्याः  
वयाः धका वया मत्तिइ वनला मस्यु जितः विश्वास याकेत हानं नवात-  
सत्य खः सत्य सत्य न्हागुलिइ नं अनुभव यानाः स्वय्मा धका जक खः ।

जि पत्याः मजू । अनुभवया नामय् सुनानं चाय्कं चाय्कं हण्डर  
नः जुइमखु । दुःख कस्त सहयाः जुइमखु । थ्व जिगु थःगुहे अनुभव खः ।  
जि थौतक सुनानं दुःख धेगु गथे च्वं धकाः अनुभव याः जूगु सुं मबना ।  
केवल थःगु प्रगतिया लेंय, वाध्यताया लेंय न्हाज्याः व वं दुःखया अनुभव  
याःपि धाःसा जि यक्व खें । उकें जि विश्वास मयाना- न्हागुलिइ नं  
अनुभव याना स्वय्माः यात । छाय्कि व म्हुतुं न्हाथे हे धाःसा वया  
बिगत क्रम जिगु मिखाय् दु । गुकियात वं हुइफइ मखु । त्वपुइ फइ  
मखु ।

व धुवां धू जिगु अफिसय् वय्गु । जि मदुगु इलय् छधौ तिधौ



तकनं पिथा च्वनेगु । पुलांगु न्हासःपौ, बैकिङ्क च्वया तंगु कापि जि लिसे  
काः वय्गु । । सामान्य ज्ञान सकू थःगु ब्यागय् स्वथना जुइगु । गन गन  
म्हसस्पूम्ह जिमि जि. एम. याल म्हसिइकेत चाबेल थ्यंक बनेगु । अऊ थौं  
सुथय् हिसाब स्पनेया तिति राम म्हसिइका ब्यु धका किरणया  
छे बम्गु । छु थुकि पुस्ति मयाःला वया जागीर नयेमाःगु अनुभवया  
तिति मखु- आवश्यकता खः धका ।

वया थ्व आवश्यकता थौया जक मखु, म्हिगः म्हीग निसेंया खः ।  
छेपा जः नं खंग्वः मदुगु अत्याख खंग्वः आसाकुति मिखां वंके पवंगु थ्व  
छगू माग खः । ज्याथः बी नं लासय् पयतुना थुसु थुसु मुसु ततं करुणाया  
मिखां वंत स्वंगु थ्व छगू छट्पटी खः । किजा केहें सकू कापि न्यायेत  
घेबा पवनी बलय् प्वंगु खलित वासा पवासा यायां मांहेस्यां वंत स्वंगु  
थ्व छगू पोडा खः । अव्यक्त रूपं वंके पवता च्वंगु थ्व छगू भिक्षाटन खः ।  
वं चाः, थू व स्वयं जोगि । जोगियाके पवनां छु वं ? तर जोगि याकेहे  
पवने धुंकल । पवंहेसित मबिइगु गथे । दुर्दसाय् मिखा तिसिइगु गथे ?  
पवंहेसित पिइका जोगी स्वयं भिक्षाटन जाय्केत पिहां वइ च्वइ ।  
अनुभवहे अनुभव मुंका च्वन ।

अऊ स्पस्त धाय्- जागिर नय्गु वया तिन भाकांक्षा मखु ।  
समस्या खः । वया प्रौढतां थ्व खँ चाय्का च्वंगु दु । अशक्त जुया वंपि  
मां बी । पलि वा च्वया च्वंगु लू । छेँ वासः मिइमाःगु स्थिति वंत  
याकनं जागिर छगू नय्त बाध्य याना च्वंगु दु । संघर्षया मैदानय् व  
याकःचा लाःगु दु । छाय्कि, किजा केहें चिचीधिकःनि । उके जन्म ब्यूपि  
मां बीयात थः म्हचाय् जूसां काय् नं खः धंगु पुस्ति याये माःगु दु ।  
थुगु मोका वं सिति छोइमखु । सिति छोय्गु पक्षय् नं मदु ब । थ्व खँ  
वया ज्यां नं बयना हया च्वंगु दु । वं थू छेँया उज्ज्वल भविष्य - थ्यू  
चाया गर्भे दु । गर्भ - गनं उज्ज्वल भविष्य खुइकेत वं यक्व प्रशब  
वेदना सहयाये मानि । किजा केहेंयात यक्व वंके मानि । गुकेया भाला



बया ह्लाःतय् दु । थःगु भाला पूवकेत वं थःत ह्लचज्याके धुकूगुया  
नहापांगु छुमां वं टाइप स्पं वंगु खः । मेगु जागिर नयेगु उपक्रम ।

थौ जागिर नयाः अनुभव याये न्ह्यो जागिर नयेत गुलि थाकुया  
अनुभव यानास्वन वं । थ्व मचाय्क वःगु खालु (अनुभव) गुलि धुकुं  
थाकु वं सिइका च्वंचवन । थुइका च्वंचवन । दरखास्त बिइवं जागिर  
वइ धंगु वया कल्पना चुंदना च्वंचवन । वं थःगुहे मिखां थः थन्याःपि  
जागिर मदयाः बाथाबाथा कनाच्वंपि अल्याख खन - जांचया हल्य् ।  
छगू सन्तोष - जि जक मखु धंगु काल वं । थःगु यात्राया लय् न्ह्यःने-  
सं वं वया च्वंगु भराय् धंगु पहाड स्वंचवन वं - इकुके मदु वं ।

खः इकुके मदु वं । वं इकुलकि दक्क इकुइ । संसार इकुइ ।  
इकुया वया छे फन फन चाःहिलिइ । उके भराय्धंगु पहाड खनेवं  
इकुके मदु वं । व न्ह्याः वनेहे माः । भराय्धंगु पहाड, उबड खाबड-  
यात चीक चीकुं थहां वने हे माः । सायद वं थ्व हे थुइकल जुइमाः ।  
उके वं थःत थःगु ल्यासेगु बैस किरणचित लःह्लाना चिकुला तंके पाखे  
मस्वसे थःगु पलाःयात न्ह्याकल । वं थःगु ह्लापांगु आवश्कया निं पू  
वकेत जुल । थः जक मोजं च्वमाः मां बौ, किजा केहेपि जर्जरतां थिइका  
म्बानाच्वंगु लू स्वय्गु आंत याये मफु वं । दुरू हे त्वने मगाःपि केहे  
किजायात मव्वकुसे ज्याय् छोय्गु वया इच्छा मदु । धाय् थमं भांगेयाना  
वये धुकूगु क्रम हानं किजा केहे पाखे नं दोहरे याके वया मास्ते मवः ।  
थुकेया पक्षय् नं व मदु । स्पस्त धाये - इतिहास न्ह्याः जक वनी, लिहां  
वनी मखु धंगु वया क्वातूगु धारणा दु । पा ह्लाःतय् च्वंगु रेखाय् वया  
बिश्वास मदु, भाग्यया रेखा थमं हे किइमाःगु वया धारणा दु । थ्व हे  
धारणाया क्वातूगु बःकयाः वं यात्राय् पलाः न्ह्याकूगु दु । उके हे वंत  
जि संमान याना । वया प्रौढताया न्ह्योने क्वछुना ।

जितः गुबलें गुबलें मतिइ वनीगु - थ्व यात्राया क्रम आजु थो-  
वं जक क्वचाइगु खःला वा आजुयातहे सदां अंगिकार याना च्वने



मालिङ्गु खः । सायद वं थुके नं यक्व बिचाः याये धुंकल जुइमाः ।  
किजा बेहे लाय्क जुइगु ई तकया दुने व स्वयं मथ्यं स्वीन्यादं, स्वी-  
खुदया बैसय् थ्यले धुंकी । उबले तकया दुने ... .. ।

जितः ग्यासे वः नापं च्वंम्ह मै दिदी थे केहे पित्त बिया छोय्  
धुंकाः तक नं छेया श्रोतहे जुया च्वने मालिङ्गु खःला ?

खः मै दिदी, जिगु छे लिक्क च्वंम्ह मै दिदी ! जि मचाबलय्  
त्यासे जुइ धुंकूम्ह तर थौतकनं इहिपाः याये मखंम्ह - अभागि  
मै दिदी !

खः व मै दिदी अभागिहे खः ... ..छाय्कि-

त्वाल्य् छेखा पति मनूतय् म्हुतुइ मै दिदीया नां दु । संमान  
दु । सुनां थः काय्यात व्वः जक बिइमाःसां मै दिदीयाहे उदाहरण  
बोगु - 'खंला मिसामचा जुयाःहे मै दिदी गय्च्वं तर छिपि मिजं मचा  
जुयाःहे छुं ज्यालगय् मजू ।

-छिपि थन्याःपि सछिम्ह काय्मचा बइगु सिबय् मै दिदी  
थन्याम्ह म्हाय्मचा छम्ह दुसां हे बांलाः ।

मै दिदीया गपाय्धंगु संमान ! अथेला मै दिदी मै दिदी खः ।  
वेत न्हाक्वहे प्रशंसा याःसां म्हो जुइ । संमान याःसां म्हो जुइ । आखिर  
व थुकेयाहे लाय्क । वया मेहनत, लगनशीलता, इमान्दारीता व  
सिष्टता त्वाःया निंति छगू नमुना जुया ब्यूगु दु । नालाकाय्बहःगु जुया  
ब्यूगु दु ।

स्वस्वःखंक तसकं चोमिगु अमिगु जः, तसकं मछिगु अमिगु  
जः, मै दिदी म्याट्रीक सिधय्कू बले तकया दुने जर्जरतां थी धुंकल ।  
मांया कमजोर मिखां म्हाय्या साथ पवने धुंकल । बौम्हला मै दिदी-  
बाहेक न्हासय् न्हि काय्के मानिपि स्वम्ह म्हाय्पि त्वःता सदांया निंति  
वने धुंकल । वहे बोफ, बौनं त्वता थकूगु बोफ मैट्रीक जुइवं थागु



वहल्य मचाय्कहे ला:ब:गु मै दिदीं अनुभव यात । उकें मामं कर  
या:सां तबै कलेजय् बने मफुत । मवन । वं थ:गु निर्णय अनुरूप मामं  
याना च्वंगु लं सुइगु ज्या थमं यात । न्हापां निसैंया त्वा:या मस्तयत्  
सुथम् सुथम् आख: व्वंकेगु क्रम जारीहे तल ।

वया लगनशीलता व बांला:गु व्यवहारं सकसियां मन सालकाल ।  
त्वा:या सकलें मिस्तसैं थ:गु वस: मै दिदी थाय् सुइके हय्गु यात ।  
मस्तला घाय्हे म्वाल - मै दिदीहे सुयाव्यूगु लं फी मापि जुयाविल ।

दच्छि, निर्दे, स्वदे, प्यदे ... मै दिदीं आख: स्यंपि जिंपि  
क्याम्पसय् थ्यन । तर मै दिदी वहे म्याद्रीक तिति । वया ह्लातय् वहे  
कलघर तिति । वस छुं ह्यापा: बलसा न्याग: खुग: मेगु कलघरत व  
स्वथाय् उपो दत । मां म्हाय् निम्हेस्यां जक ज्या याइगु थासय् न्याम्ह  
खुम्ह मेपि मिस्तय्संनं ज्या याइगु जुल । मांम्हं बांलावक मिखां मछुल ।  
मै दिदीं सुलचं तल । ज्यां अपो त:धिकपि निम्ह केहेपि बिया छोय्  
धुंकल ।

जि स्यू वयाहे बांला:गु प्रमाणपत्रया आधारय् केहेपि बाबां  
ला:गु पासय् ला:वंगु ख: ।

-आखिर मै दिदीयाहे केहे मखा जिमिसंला थ्व म्ह स्वयंगु,  
स्वय् कायगु क्कटहे यायेमखु धंगु तर छु याये मै दिदीहे माने मजू ।"

- सविनाचिया म्ह स्व: व:बलय् इपि खँ लहाना च्वंगु ख: ।

- थ्व मिजं तसकं भाग्यमानि ख: । मै दिदीया केहे ब्याहा  
याये खन ।

- मै दिदी थन्याम्हेस्या केहे ब्याहा याये खनीगु तसकं भाग्यया  
खँ ख: ।

मै दिदीया केहेपि बिया छ्व:बलय् भवजय् व:पि मनूत खँलहाना  
क्वंगु ख: ।



सकसिथां प्रशंसाया पात्र मै दिदीयात सुवा बियाचवन-कुलया  
इज्जत तल धका । तर व सुवा-सदां थथेहे यानाचवने फय्मां वया  
तुगस्य् धाःलाः वंगु सुतां मखन । वयाहे प्रमाण पत्रं केहेपि बाबांलाःगु  
थास्य् लाः वन । तर वैत थौतक सुतां धाःमवल ।

उक ! मै दिदी-वया<sup>न</sup> तःधंगु इच्छा खइ-इहिपाः याय्गु ।  
वया नं छगू कल्पना खइ-वैतनं धाः वइ, बाजं थाना काःवइ, इहिपाः  
जुइ , छगू थःगुहे संसार वइ । तर तर वया फुक्कं कल्पना चुंदना  
वन । उकेया लिचवः छगू कम्प्लेक्स जन्म जुल । व कम्प्लेक्स-ज्वलिज्वः  
त्यासे त्याय्म्ह तापं वःगु खनकि-गबाय्त्तनि गबाय्त्त स्वइ चवनीगु-  
त्वालां त्वालां ।

पिने बाजं सः ताय्दय्बं उखुनु दासि वइचवंगु जा भुथुलिइनु  
त्वाःता ज्यालय् च्वं वःम्ह मै दिदी बाजं थाना वःपि मनं गन थयने धुंकाः  
तकनं ज्यालय्सं । लिपा ताउत लिपा कसंग वनाः भुथुलिइ स्वःवं  
बलय् जा फुक्क वव्य् धुंकल । कसःरी हाकुक्क दाग थाना चवने धुंकल ।

थवया न्ह्योःनं छकः ज्यालय् च्वंम्ह मै दिदी गय्थे मस्यु-बेहोस  
जुया चवन । होसय् वः बलय् मै दिदी थःत हस्पितलया लासाय् खन ।  
हस्पितलय् लच्छितक चवनाः छेँ वः बलय् न्हापाया सिबे बच्छि म्ह हे  
मदय् धुंकल । गंसि गंसि जुइ धुंकल । वया उनहे पाय् धुंकल ।  
कम्प्लेक्स....

खः कम्प्लेक्सं वैत थो धुंकल । उकेया वासः सु डाक्टरं याइगु  
जुइ ? गुबले जुइ ? लिसः भबिष्यया गर्भे तिनी ।

जितः ग्यासें वः मै दिदीया स्थिति बैके नं वयाबीगु खःला ?  
अथेला वया किरण दु । गुके जिके इलय् ज्यलय् ग्यासें वंगुयात  
समाधान याना छ्यु ।

अफिसय् । पासां जितः लिफः स्वय्त घाल । जि लिफः स्वया ।  
पासालिसे व खनी ।



छम्ह मेम्हेसितहे नापला: वइगु, उके लें कथं थननं वुस्व.  
वइगु - वंहे खें छुत । जि नमबाना । तर पत्या: नं मयाना ।

रिजल्ट गुबले जुइगु थे, छाद्य संस्थानय्ला गुलि याकनं जुइ  
धुकल । अथेला पास जुइगु मखु छुं मखु अथें न्यनागु जक - वं न्यन ।  
जि थुल - व जागिर याकनं नय्त गुलि आतुर । गुलि हथाय् । थ्व  
हथाय् छु अनुभवया नामय् खःला ? जि न्यने न्यनागु । तर मन्यना ।

स्कूलय् ब्वंक: वनेगुला ? - जि किरणं हेडमास्टरलिसे उखुनु  
खें ह्लागु तुमंका न्यना । अथेला स्कूलय् ब्वंकेगु, धाय् मास्टरनी जुइगु  
वया मयो । थ्व किरणंहे जित: कंगु खः । अय्नं छुधाइ धका: जक  
न्यनागु - स्कूलय् ब्वंक: वनेगुला ? हेडमास्टर म्हस्यूम्ह हे दु । खं  
ह्लाता स्वय् ।

ज्यू मदुतले स्कूलय्सां छु जुइ धका - लिस: वं मखु पासांम्हेस्यां  
बिल । गुके वया पूर्ण समर्थन दु ।

जांच बीवंहे वैत बैकया अनुभव कू गातला ? अफ्ला लिचवःहे  
पिहां मवःनि । पास जूसा अन्तरबार्ता दनी । उके नं पास जूसा धेबाया  
रासय् च्वना अनुभव काये बाकि दनि । तर व हिल, अनुभवया निति  
जागिर नय्त्यंगु मखु वं । वैतला जागिर मा: । बस छगू जागिर मा: ।  
छेंया निति । किजा केहेंया भविष्यया निति ।

अचानक किरणया म्हतुं न्यना: - बिजय मेमोरीयले व  
मास्टरनी जुइगु जुल । वया थ्व खं छक्कलं जि कल्पनाय् दुबिना-

आहा !

व खुनु व गुलि लय्ताइगु जुइ । वैत जब जागिर चू लाइ ।  
आहा ! व खुनु । खः व खुनु - वया छें मुसुकाइ । जिर्ण मां बीया  
ख्वालय् छगू सन्तोष पिज्बइ । सदां मां बी नं आसाकुति मिखां  
(बिबसतां) स्व च्वनीगु थासय् उखुनु मायां स्वइ । मायां चुप्पा नइ ।



मनं मनं सां - अत्याख सुवा बी । धात्ये व खुनु वया छे छुं मदया नं  
मुसुकाइ । ऊः ऊः धाइ । व खुनु - व फुकसिया मिखाया केन्द्रबिन्दु  
जुइ । सर्गत्य दकले न्हापां पिहां वइम्ह नगु थें । तर तर वहे नगु दकले  
लिपा तिति सर्गतं बीगु खःला ले ? ओहो ! गपाय्धंगु पीडा थ्व  
न्हापुया ।

१०९९, कालिमाति

+

---

जीगु तःजीगु मोहनी नखःया

लसताय्

सकल नेपाःमितय्त

भिन्तुना

को-अपरेटिभ कन्स्ट्रक्सन

कालिमाति - १३

पो. ब. - १६७२

फोन - १५७९६

केबल - कोकनस

---



## कवि गिरिजाप्रसादया स्वपु कविता

### १. चवय् मानिगु इतिहास

गुगु छपु बाखं जि इवना  
अहो उकिया बापुला जिगु थःगु हे इतिहास खः  
व छगु भूलया इतिहास खः  
तयतायापुगु खे भव हे खः कि व छकूचा  
भूलं गुगु कसा जुयाचवंगु दु उकिया  
बासः व हे बाखनय् दु उकिया  
बासः व हे बाखनय् दु

व बाखनय् —

छम्ह धुं खोरय् लानाचवंगु दु  
नयपित्यानाः व सिइत्यंगु दु  
धुंया बिन्ति भाव न्यनाः छम्ह मनुखं लुखा चाय्काब्यूगु खः  
अहो व धुंला व हे मनू नयत वांखायाचवंगु दु  
मनू हालाचवंगु दु कि वयात नयगु व धुंया धर्म मखु  
धुं सायाके, अले बंगल सिमायाके न्यनाचवंगु दु कि  
व मनूयात नयगु वया धर्म खः लाकि मखु  
सा मय्य थें मखु, व लसि खः  
सां प्यंकाः यक्व मनूत सीगु दु  
रॉकि वं धयाचवंगु दु- मनू पापी खः वयात स्याःसां ज्यू



बंगल सिमा, व फन भूमिपति अले सामंति खः  
उकि वं धयाचवंगु दु- मनूयात नःसां ज्यू  
अपि कालाकुलु हाःगु न्यताः धो छम्ह अन थ्यंकः वःगु दु  
धो गुजुयाके छकः न्ये, अय् धुँ- मनू हालाचवंगु दु  
धो गुजु नं सहि तल धाःसा भाः व सीत तयार दु

धो गुजु धालकि खोर चोधं धुँ तःधिकः  
खोरय् धुँ गथे द्वाहां वन थ्व हे आश्चर्य खः  
वं इनाप यात कि न्याय् याय् न्ह्यः न्हापाया  
स्थिति वयागु मिखाय् छलंग जुइव्यु  
इतिहास घौछिति लिज्याय्ब्यु  
धुँ गथे खोरय् चवचवंगु खः व मनुखं गथे  
लुखा चाय्कूगु खः व खँ बांलाक थुइकेब्यु  
खोरय् द्वाहां वनाः धुँ धयाचवंगु दु कि जि  
थुकथं खोरय् चवनाचवनागु खः  
धुँ थथे धया चवंतले ज्यः जुयाः स्वयाचवंम्ह मनूयात  
धो गुजु हक्कूगु दु कि अय् छु स्वयाचवना  
लुखा तिनाब्यु गथे तिनातःगु खः  
वस, थ्व हे बाखंया बापु जिगु इतिहास खः  
धुँयात कुने हे माः -  
शिकारीयात लः ल्हाय् हे माः  
थ्व हे बाखनं व्यूगु खः  
वासः खः  
वासः खः  
चवय् मानिगु इतिहास खः



२. बिसिहुँ, बिसिहुँ, अय् खराचा !

जितः होचायापुसेच्वंगु खँ थ्व खः कि

जिगु बाखं थुइकेत श्रीमती भारतीचिया बाखं नि थुइकेमाः

जिगु इतिहास सीकेत श्रीमती भारतीचिया इतिहास नि सीकेमाः

जिगु इतिहास लुइकेत श्रीमती भारतीचिया इतिहास नि लुइकेमाः

गय्च्वंक होमीचायापुसेच्वंगु खँ थ्व खः कि

जिथाय् वय्त श्रीमति भारतीचिथाय् नि वनेमाः

गुलि नुनः मछिगु सलं थौं घोषणा याय्माःगु दु कि जि

जि छगू जंगल खः, न थन गुम्हं शेर दु

अय् खराचाः छं स्वयात तुं थिइ ववफाय् त्यन व

शेर मखु

गुगु फर्मुला शेरयात लागू जुइ व

वयात लागू जुइमखु

गय्च्वंक अभागी थनया जन्तु अहो

थन गुम्हं शेर मदु, न ग्याःचवः तंगु दु

अहो गय्च्वंक थुइकाबिइ थाकु थ्व खँ थनया मनूतय्त

अमित जन्तु धाःगु स्यूसा अपि तंचाइ

अजूचायापुगु खँ थ्व खः कि-

मनू जुइगु लेंया उद्घाटन गुलि शहीदतय्सं याय् धुंकल

अमिगु बाखं जक कंसां थपि थरथर खाइ

जितः होचायापुसेच्वंगु खँ थ्व खः कि

हिन्दुस्थानया जि यःपि ज्यामित छांलानाच्वंगु दु अले

अमिगु उसिना जाकि थनया प्राण खः

हिन्दुस्थानया ज्यापु ज्यामित नांगा जुयाच्वंगु दु अले



अमिगु कापः थनया वसः खः  
हिन्दुस्थानया ज्यापु ज्यामित लाता लाति जुयाच्चंगु दु अले  
अमिगु बोति थनया भाषा खः  
अमिगु धर्म थनया आत्मा खः  
अनया मनू थनया छः खः  
अयनं गजप नक्सां थपि नेपाली खः अले  
छम्ह नेपालीयात पोष्टमार्टम यात धाःसा  
वयागु आताकुति हे Made in India खः  
India धाःसा अहो ... .. अनया इतिहास हे छपु तुतांया  
इतिहास खः

छपु बेमान तुतांया

अनया इतिहास हे छपु कथिया इतिहास खः छम्ह  
बेमान जवाःया

ओहो व तुतामय् थज्याःगु अद्भूत शक्ति दु कि वं  
अंग्रेजतय्गु बंदूक फै छयाय् थें छयाना छ्वःगु दु  
अंग्रेजतय्सं सारा भारत व तुतामय् तया थकूगु दु  
सारा जन्तुतय्सं व तुतांया पूजा यानाच्चंगु दु अले  
जितः गय्च्चंक थुइका बिइ थाकुयाच्चंगु दु  
व कथि थुलि अद्भूत कि विश्व त्वपू  
वय्त्यंगु खुसि बाः वं पनाच्चंगु दु  
छगूगु खुसिबालं किसि दुब्बः कया संसार त्वपुइत्यंगु खः  
ख्वबि व ऊसुकाःया बा- फसं महल चकनाचूर याय्त्यंगु खः  
हीमोचागु नुगः मलः जुयाः कुतुबःगु खः  
अमिसं व कथि धस्वाकाव्यूगु दु  
अहो ! व कथिला मलः प्रुफ खः  
थरथर खाःगु महलया बंदूक व बा-फय्



व खुसि बा: पनेमफया:  
 व तुतां भमिसं धस्वाका थकूगु ख:  
 करोडौं तका खर्च याना: व तुतांयात महात्मा या:गु ख: अले  
 व कथिइ जाय्क फूफू मंत्र पुया: ज्वाय् ज्वाय् कण्डा  
 चुति वय्का थकूगु ख:  
 थौं तक व हे कण्डातय्सं व खुसि बा: पनाचवंगु दु  
 व खुसि बा: न्हाकेया निरति व कण्डा चुइकेया निरति  
 देशभक्ततय् आवाज जव बंदूकं पिज्वल  
 व आवाज व कण्डा पने मफया:  
 अंग्रेज हानं त्याहां व:गु ख:  
 अंग्रेजया साहसं पचासौं हजार देशभक्तया जयान  
 काय्वं तिति व तुतां अले व कण्डा  
 धस्वाय् फुगु ख:  
 गुगु कण्डा अंग्रेजया शक्ति तिति धस्वाय् फत  
 वहे कण्डां धयाचवंगु दु कि  
 व पचासौं हजार शहीदत अंग्रेजतय् चय: ख:  
 व खुसि बा: अंग्रेजतय् धयवां किसिद्वं व: का:गु ख:  
 व पचासौं हजार शहीदतय्सं धयावंगु दु कि  
 व तुतामं, व कण्डां गुगु आजादी वल व कूठ ख:  
 व कूठ ख: धयागु थौं थुलितक सत्य ख: कि  
 छम्ह मचा बुल कि मां अबुया न्हापालाकया ज्या  
 व मचाया तुति नि त्वथुलेगु जुइ ताकि वं  
 पवना: खुनु नय् थखं  
 गुलि मचात खुया हया: मिखा ल्ह्वकइ ताकि वयात  
 पवका: नय् थदु  
 इमान्दार जुया: न्हाय् तपुकाचवं छ्हा साहुया चय: छम्ह चौकिदार



मात खुँतय्सं मूर्ख धाइ, छायाःसा न्ह्याक्व घूस बी धाःसा  
व खुँतय्त स्वाहालि याइमखु  
व चौकिदारं घानाः व खुँतय् मचाखाया छांलाइ  
छन्हु व चौकिदारया मिखाय् व खुँतय्सं तेजाव छाकाबिइ  
अले कांगु मिखा ज्वनाः व चौकिदार हाः जुइ पबं जुइ-  
श्वहे मखुला पूंजोपतिया सेवाया सिरपाः ?  
श्वहे मखुला आजादीया उपहार ?  
श्वहे उपहार, श्वहे सिरपालं धयाच्चंगु दु कि  
व आजादी फूठ खः

व आजादी फूठ खः धाःपि पचासौं हजार अंग्रेजया  
गोलि धुक् धुक्गु दु अले  
व फूठ आजादी फातापुइकाः सच्चा आजादी  
हय्या निती लाखौलाख अज गोलि नय्त तयार दु  
अय् अमित अंग्रेजया चयः धाइपि  
धा, थौं व अंग्रेजत गन दु  
अंग्रेजया चयः मखु अपि अंग्रेजया शत्रु खः  
अय् अमित अंग्रेजया धयबा नल धाइपि,  
धा, थौं व अंग्रेजत गन दु  
अमिसं अंग्रेजया पाउण्ड मखु अंग्रेजया गोलि नः गु खः  
जि नं घोषणा यानागु दु कि हिन्दुस्थानया  
आजादी फूठ खः  
वांलाक नतुनाः धा जिगु आवाजय् पाउण्ड नवः लाकि मवः

कथिइ चुलि वय्का हइगु विभिन्न धर्माय्तय्सं  
देशया इतिहास गिजिमिजि याइ



देशया नक्सा किच्चिमिचि याइ  
व कथिया सुनां विरोध याइ व सुयां च्यः मखु  
बहु सुनां समर्थन याइ वं ध्यबा म्हुतुइ त्वसूगु वइ  
छाय्धाःसा व कथि करोडौं करोडया मालिक खः  
व पूँजि made महात्मा खः  
व कथिया विरोधी हे सच्चा देशभक्त खः

अय् जिगु साइनबोर्डयात कयाः १६ सालया खँ न्ह्यथंयि  
अय् ७ सालया खँ न्ह्यथंयि  
जिगु जातः स्वः वा  
२६ सालया जिगु जन्म खः  
जिगु देशया इतिहासया दुःख थ्वहे खः कि  
थनच्चंयि वीरतय् छयनय्  
धूर्तत प्याखं ल्हूगु दु  
थनच्चंयि सोळातय् नुगःपाय्  
धूर्तत प्याखं ल्हूगु दु  
नत्रसा थनच्चंयि मनूत थुलि बाहादुर खः कि  
लडाइँ अमिगु निरति मनोरंजन खः  
अमिके थुलि तागत दु कि गण्डकी १ मिनेटं पनेफु  
डालडा १ मिनेटं पनेफु  
तर गण्डकी पनेत सुनां मनूया खुसिबाः पिकाल  
अमिसं छगू नाटक जक म्हुतूगु खः  
डालडा ध्यः पनेत सुनां मनूया खुसिबाः न्ह्याकल  
अपि गाइजात्रा जक वःगु खः  
मांया ला ध्यनाः मालिकयात कोसेलि तःम्ह व  
बगरें



मालिकापाखें अखः क्रेडिट काय्त, जस काय्त  
व नाटक म्हितुकूगु खः भले  
व बेमानत अहो! व बगरेतय्सं धाः धाः थें  
सोफापि बोरतय् छयनय् नाटक म्हितूगु खः

थो थःगु आज्जु तिपयानाः न्ह्यज्यानाचवनाम्ह जि  
व बेमानतय् सन्तान मखु  
जि छना व बेमानतय्के गुगु साइनबोर्ड दु उकिया  
उद्देश्य अमिगु ल्हाती मदु  
अमिगु ल्हाती गुगु ऊण्डा दु उकिया  
उद्देश्य अमिगु नुगलय् मदु

श्रीमती भारतीचिया पसि तलःय् फिन्ह्युदें  
तक च्वनाःवपि सु ? अपि स्वयाः नं व बेमानत  
धोकेबाज खः  
श्रीमति भारतीचित मांया ला ध्यनाः कोसेलि तःपि  
बगरेत सु ? अपि स्वयाः नं व बेमानत  
धोकेबाज खः  
व बगरेतय्ला कमसेकम थःगु साइनबोर्ड, थःगु  
ऊण्डा व थःगु लक्षया दथुइ गुगु फरक मदु  
अहो व बेमानतय् ऊण्डा व लक्षला  
सगः व पाःताः थें पाःगु दु

अय् व बगरेया न्यःत  
जिगु इतिहास व बेमानत नाप स्वाय् दइमखु  
जि जि खः  
थन गुगु जादूया कथि वय्त्यंगु दु जि



उकिया विरोधी खः  
 व कथि जितः स्याय्त् जि शत्रुं ल्ह्वंगु तलवार खः  
 दवकले हीचायापुगु खँ थ्व खः कि  
 जि जंगल खः अले  
 थपाय्धंगु जंगलय् गुम्हं शेर मदु  
 सपोज या अय् खराचा-  
 तुंया पःखाः म्वलय्तक थ्व जन्तु यंकेत  
 छ सकल जूगु दु  
 तर यथार्थ थ्वहे खः कि बला  
 तुंथिइ क्वस्वयाः हजूर हजूर धेच्वंगु दु  
 बिसिहें, बिसिहें अय् खराचा, व शेर मखु  
 छ जक ला छु थःहे कलाः तक नं स्वयातं  
 कोसेलि बीत व तयार दु

## ३. Voiceless आवाज

अनं दुमछ्वःगु कन ज्यू अय् पासापि,  
 हाचां गाय्काः जुइम्वाल मनूत थौं व खिचातय्सं  
 व्हाउँव्हाउँ ऊगु ताःला ? व्हाउँव्हाउँ  
 उयाच्वंगु दु व खिचाया मूर्तितय्सं  
 हें ? मताःला ? थन व्हाउँव्हाउँ उयाच्वंगु दु  
 अले चेचे हालाच्वंगु दु  
 मोटरया हर्न मखु, मोटरया हर्न मखु  
 थन हाउँहाउँ उयाच्वंगु दु खिचाया सालिकतय्सं  
 गय्च्वंक मंत्र सः अपि  
 मात्र सालिकं हे उइकातःगु दु व खिचाया सालिकतय्सं



पन हे ध्वाङ्गाय् जक मखु  
चेवे हाताच्चंगु ताय्दु थौं प्यखयरं  
हाउंहाउं उयाच्चंगु बु थ्व ३६ सालया असार महिनाय्

हाउंहाउं हाःगु खः धयां अय् गय् पत्याः मजुल जि  
पासापि ... ..

अय् पासापि, थ्व हाउंहाउं हे हाःगु खः  
थ्व खिचातय्सं हे ऊगु खः

महलय् खिचा गबले खालि जुइमखु

संसारया छगू सत्य थ्व नं खः

मनूनाप स्वयाः अमि खिचानाप क्याः याय् यः

मनू नाप स्वयाः अमि खिचानाप माया याय् यः

छगू सत्य थ्व नं खः

मनूनाप अमिसं मिखा चूलाके फइमखु

(मखुसा चेगोवेरायाके न्यना स्व)

दक्कले थुइकेमाःगु छगू सत्य थ्व निं खः

मनूखं हय्काल जुइ अन महलय्

खिचा उलःबुलः हाःगु अवश्य उकिं खः

अय् पासापि, थ्व हाउंहाउं हे हाःगु खः

थौं सुथय् जि कुकल्यांकू धाःगु धयां कुबुरीकां धाःगु हें

अहें जि नेवाः खः, व कुकल्यांकू हे धाःगु खः

उखुनु छ्वथ्वें चाकु, छ्वथ्वें चाकु धकाः छम्ह पंक्ति

गुलि यइपुक विज्ञापन यात छ्वथ्वेंया ।



तर काफल पावयो धाःगु हँ  
अहँ जि नेवाः खः, जिगु न्हाय्पं नेवाः खः व  
छ्वथ्वँ चाकु हे धाःगु खः  
अज्ज छम्ह मले वयाः ल्वाःवःगु दु कि गःपः  
तःपु धाःगु हँ  
अहँ, जि सब्बमी खः, व छ्वथ्वँ चाकु हे धाःगु खः

चेचे धाल जितः, व्हाउँव्हाउँ उल धयां  
आमसभा आमसभा धाःगु हँ  
अहँ जि सु खः जि मस्यू जिगु नुगल्य ला  
हाउँहाउँ हे हाःगु खः  
उछु, व जिषियाके न्यना स्व माइक हाउँहाउँ हे हाःगु खः  
मदय्फु, वं खं थूगु मदय्फु  
तर वं गुगु धाल व सत्य खः  
अपि व्हाउँव्हाउँ हे हाःगु खः

फूति ला साप हे चर्को अमि  
अमित जि सुर्वाः त्वका स्वय् मास्ते वः  
अमित जि पर्सि त्वका स्वय् मास्ते वः  
उइगु ला अमि उत्तिकं हे चर्को  
न्हिपं जक अमि कालेचियातिहे चाःतू लाकि मतू  
जि खंके मास्ते वः

न्हिपं नं अमि उत्तिकं हे चाःतूगु दइ अय् पासापि,  
मखुसा धयाव्यु अय् पासापि, गबले प्याहां वःगु दु अपि  
मालिकया आडभरोसा मकाय्क  
चुइक गबले हाले छ्याःला अपि  
मालिकं चेचे मधाय्क ?



खिचातय्सं साप हे माया या: जिं स्यू  
मनूया मचा सा:गालय् सिनाच्चंगु देशय्  
खिचाया मचा मुलय् च्वनाच्चंगु दु जिं स्यू  
निचा: टाब्लेट नके मफया: गुलिसिया मां सिनाचंगु  
देशय् सलंस:या वास: खिचायात या:, जिं स्यू  
खिचायात तसकं हे माया या:- जिं स्यू  
तर धयाब्यु कि मालीबले छम्ह निम्ह खिचा स्यायूत अपि  
लिचिलीला ... लिचिलीमखु- जिं स्यू

थतया इतिहास ब्वना: छता खँ थ्व नं जिं  
सोकागु दु कि  
जब च्य: हे छ: जुइ वयात खिचा भोग बिइ माले य:  
उकि हे व खिचात स्या:गु ख:  
अपि गुलि मंत्र स: अहो मोटरया हर्न मखु  
बांलाक न्यँ खिचाया सालिक ह्वाउँह्वाउँ हा:गु ख:

सालिकं उइफु धयागु खँला धात्थें नं कूठ ख:  
तर धयाब्यु कि थ्व लुखां ह्वाउँह्वाउँ हाला ह: लाकि मह:  
हाला ह: धयागु खँ नं वास्तवय् कूठ ख:  
तट धयाब्यु कि Voiceless आवाज व: लाकि मव:  
अले थ्व ३६ सालया असार महिनाय् देशया  
कुंकुलां गुगु शब्दं थ्वयाच्चंगु दु  
धयाब्यु कि उकिइ व सालिकया स: थ्व: लाकि मथ्व:  
मखुसा थुलिहे लिस: ब्यु कि  
थुक्सी गाइजात्रा न्हापालाक न्ह्यज्या: व: लाकि मव:  
थुक्सीया घटनां जिं छताखँ थ्व सोकागुदु कि



ईदयः मदय्क गुगु गाइजात्रा जुइ व प्याख मखु  
व सत्य खः

अय् पासापि, सिदूर जात्रा स्वयागुं याय् मननिगु  
जनतां थुक्सी हाकः जात्रा याःगु दु  
स्वांमाः कवखाय्काः स्वयागुं रथ यात्रा याय् मननिगु  
२५ सौं हजार जनतां थुक्सी लाकांमाः कवखाय्काः  
गाडा यात्रा याःगु दु

‘सिदूर जात्रा जुइ न्ह्यः हाकः जात्रा जुइगु’ जि मस्य  
‘इतिहासया नियम खः लाकि मखु’  
सिदूर जात्रा मन्याय्केत अय् पासापि धयाव्यु व खिचातय्स  
ऊगु खः लाकि मखु

९५ सालं निसै सीदय्क लहिनातःपि व खिचात  
हाः जूगु मखुसा धयाव्यु कि  
मालिकया आज्ञा मदय्क अपि हाःगु दु लाकि मदु  
९५ सालय् थपि मालिकया आज्ञां हाःगु खः

७ सालय् थपि मालिकया आज्ञां हाःगु खः  
थ्व ३६ सालय् थपि मालिकया आज्ञां हाःगु खः  
मालिकया आज्ञां हाःगु मखुसा अमिके न्ये कि  
छाय् हाले लिबाःगु खः

अमिके न्ये कि अमिसं मस्यूला प्रत्येक सुधार छगू  
छगू हथियार खः शोषणया  
प्यास थन सुधारया मखु  
प्यास खः छगू परिवर्तनया

न्ये अमिके परिवर्तनया प्यास दु लाकि मदु  
न्ये अमिसं थ्व खँ थू लाकि मथू



वास्तव्य् अमिसं थूगु दय्फु अथवा मदय्फु  
उकिया कीत मतलव मबु  
कीसं थुकेमाःगु थुलिहे खः कि  
अपि ह्वाउँह्वाउँ हाःगु दु

छता थुइके माःगु खँ श्व नं खः कि  
अमिगु म्हगसय् जुलूस वःगु दइ  
वीर ... .. जिन्दावाद  
वीर ... जिन्दावाद  
वीर ... .. जिन्दावाद

श्वहे जुलूसया म्हगसं अपि ग्याःगु खः  
कसाहे तिसा भाःपियाः तियावःपि देशया  
सपूतत खनाः अपि इतिमिति कंगु खः  
अपि ह्वाउँह्वाउँ हाःगु खः  
अमिहे मालिकं हाय्कूगु खः  
थः मालिकं हे कथि दायाः थयानाः मछ्वःतले हालीतिनि  
थपि ह्वाउँह्वाउँ  
र छु चेचे धाःगु ताय्दु श्व अमि हे मालिकया सः खः  
(चे धकाः चेगोवेरायात जक्र सःतीगु खः)  
चेचे सके जितः हे धाःगु खः  
(जि धन्य खः) सके  
जि थः हे चेगोवेरा खः





## खने मरु मरु

मुंम्ह - शिवसुन्दर राजवैद्य

[जिमिसं खने मदय्क लिसः सुला च्वंगु न्हामः न्ह्यव्वयागु दु ।  
लिसः बियादिसं- छिगु लिसः पाय्छि जू मजू सीकेत पत्रिका पुइकु  
पुइकुं फासं गनं लिसः सुलाच्वंगु दइ- छितः तय्जू याय्त-सं,]

१. तसकं जाःपि २५ म्ह पासापि दु । इमि पुचल्य् दोछि, निदो,  
निसं कयाः नीप्यदो, नीन्यादो तक्क धेबा दुपि मनूत दु । आः  
धयादिसं न्याम्ह न्याम्ह जानाः उलि उलि हे लाय् तयाः न्यागू  
व्यापार याय्त गुकथं अःपुक्क हे इपि न्यापुचः जुल जुइ ?
२. संत्रासि पिनातः गु कयबय् स्वम्ह बंजाःत वन । न्हापांम्ह बंजालं  
अन दुगु स्वव्वय् छव्व सिमात न्याय्गु क्वःछित । मेम्हेस्यां ल्यं दुगुया  
स्वव्वय् छव्वः न्याय्गु बिचाः यात । स्वम्हमेस्यां हानं  
ल्यं दुगुया स्वव्वय् छव्वः न्याय्गु क्वःछित । अन्त्यय् ल्यं दुगुयात  
स्वम्हं जाना छव्वः छव्वः न्याय्गु क्वःछित धाःसा व कयबय् कस्तिनं  
वःसा सिमा अन दु जुइ ?
३. छि स्वपु सलाइ कयाः प्यंगू Equilateral triagle त गथेयाना  
दय्का दिइ ?



# साहित्य दुने-साहित्य पिने

-सा:मि, येँ (भरत)

भरतदाई विप्लवी गिरिजाया 'बाखाछे' दुगु तय्जु कालनि-  
किजा राम नापलाय्वं कन । तर जिगु निति थ्व व्यंग खः छाय्कि वं जि  
पाखे न्यंगु दु- विप्लवी गिरिजाया छुं नं काइमखु । जि वयात लिसः  
बिया - पत्रिका जुयाः काःगु जुइ, सफू जूसा शायद काइमखु ।

छाय्कि,

भरतदाई, राजेन्द्र बाज्यां भाजंमिखा यंकेगु खँ मल्लाः-  
शान्तदाई नं नापलाय्वं कंगु दु ।

भरतदाई, विप्लवी विपात्र मकाः - शायद विपात्रया प्रकाशक  
पासां नं थयेहे धाइगु जुइ ।

×

थ्व खं जितः पुलांगु खँ लुमंसे वल । सिलुस्वां पिहांवःगु छुं दिन  
लिपा नातीवज्रया पसलय् मल्ल के. सुन्दर व अमृतरत्न नापलात ।  
मल्लं छत्थुंहे न्यन - छं छाय् सिलुस्वां पिकयागु ?  
जि लिसः बिया - जि प्रकाशक मखु ।

अय्नं मल्लं घाल - प्रकाशक छहे खः । (अर्थात छंगु ल्लाः दु)  
जि धया - खःसा खःका । छाय् ? (तर थ्व आत्मसमर्पण मखु)

मल्लं हानं वहे न्ह्यसः यात - छं छाय् सिलुस्वां पिकानागु ?  
लिसलय् अनावश्यक खँ धयाः नं छता लिसः जि बियागु दु - थ्व  
सिलुस्वां Style यागु उपन्यास कोगु भाषाय् महुनि उकिं जि पिकयागु  
खः ।



श्व खँयात स्वयम् मल्लं स्वीकार या:गु दु । मल्लं जित: सुफुर्ब  
बिल थज्या:गु (सिलुस्वां) सफू पिकाय्गु सिबे सच्छिहे मू तय् मा:सां मेगु  
सफू पिकाय्मा: (गुगु)सर्वसाधारणया निति मखु विशेष मल्ल थें ज्व:पिन्त  
जक ज्याय्छयले जी) मल्लं नातीवज्रया पसल्य गुलि नं सिलुस्वांया बारे  
कुंछिन व फुकं कृतिनाप सम्बन्धित मजुसे व्यक्तिनाप जूगु जि वा:चाय्वं  
धया - मल्लं छं कुंछिगु खं कृतिनाप स्वापु मजुसे व्यक्तिनाप तँ दुगु  
सी दत अथवा कृति मखु व्यक्ति मय:गु सी दत उकिं कृति मय:सां  
व्यक्ति मय:सां जित: धाय्गु मखु छाय्कि जि प्रकाशक जक ख: (मल्लया  
मिखाय् जक) । यदि छन्त कृति मय:सा आलोचना च्व ताकि श्व  
सिलुस्वां सुं छम्ह व्यक्ति नं स्वय्गु कष्ट मयाय्मा तर जि आलोचना  
खना: मया: छाय्कि आलोचना यात धका: सफूया माग न बढे जुइ न  
कमहे जुइ । (तर लय्ता:या खँ सिलुस्वांया माग अप्व: जूगु जक  
खनाच्चना । विप्लवीया छम्ह सदस्यं नातीवज्रया पसल्य वया: सिलुस्वां  
न्याना स्व:गु खना) यदि छन्त व्यक्ति मय:सा गिरिजा नाप खँ ह्ला: हुं ।

लिसलय् मल्लं धाल - आलोचनाला च्वहे च्वय् तर गिरिजा  
नाप खँ ह्लाना: त्याके फइमखु । गिरिजा स:स्यूम्ह ख: । वं  
साहित्ययात भ्रष्ट याइ ।

श्व धा:गुया उद्देश्य छु जि मथू । खँ सिधय्व बायावने त्यय्का:  
छता खँया जि महशुस याना कि अमृतरत्नया जि खना: तँ पिहां  
व:गु दु ।

×

×

×

छुं दिन लिपा विप्लवीं गिरिजाया सफू मकाय्गु अथवा ममोगु  
व ज्यूसा ममोकिगु निर्णय यात धैगु खँ न्यना । ख: मखु सीकेत 'देग:  
मिह्वा सफुर्ति' पिका:गु 'गिरिजाप्रसादया गद्य कविता' (प्रकाशक -  
विजय रत्न वज्राचार्य) ज्वनावन । व इलय् लाइब्रेरी आर. के. निर्मल  
व अमृतरत्न दु । आलमत नं यंकागु जूगुलि आलमत बी धुंका: श्वतं



खः चितावयागु गद्य कविता न्हाचीका । निर्मलं छु सफू धंगु न्यंगुया-  
लिसलय् जि धया - गिरिजाप्रसादया गद्य कविता !

सफू ब्वनास्वयंगुला छु सफूया नां न्यने मात्रं हे इमिगु प्यंगः मिखा  
बूलात । छुं भवा सुम्क च्वनेधुंकाः जितः मस्वसे लिसः बिल - जिमिसं  
गिरिजाया सफू सकायगु निर्गय यानागु दु ।

-छाय्, सफू जक सकायगु कि गिरिजाया कृति दुगु छुंहे सकायगु ?  
-आःयात सफू जकनि सकायगु पुचलं निर्णय याःगु दु । जिमिसं सकाय्वं  
छुं पाइहे मखुनि ।

-पा ला छु पाइ धकाः । थ्व फिगू सफू जि थन अथेहे त्वःता  
थकेफु । हानं थ्व फिगू सफू काल धकाः नं जितः तःधंगु फाइवा जुइगु  
नं मखु । थ्वला जि पत्रिकाय् नेपालभाषाया छुं नं सफू पिहां वःसां  
फिगू फिगू काय् धंगु छिमिगु (अनुरोध) विज्ञापन ब्वनागुलि जक बीत  
वयागु सिवाय् मेगु छुं मखु ।

-विज्ञापनला जिमिसं यानागु खः तर गिरिजायाके सिद्धान्त महु ।  
जि आश्चर्य चाल, जि गिरिजा व्यक्ति बी यंकागु मखु, गिरिजाया कृति  
जक बी यंकागु खः अन गनया सिद्धान्तया खँ वल ? जिला नेपालभाषा  
साहित्यया छगू सफू जक ब्वनावनागु खः यदि इमिसं विज्ञापनय्  
सिद्धान्तया सफू माः धकाः विज्ञापन याःगु जूसा शायद प्रकाशकं  
सिद्धान्तया सफू पिकाइगु जुइ । अथवा जि इमिगु सैद्धान्तिक खवाःपाः  
स्वयत्त कष्ट याःवनेगु मजुइ ।

जि न्यना - छाय् सिद्धान्त महु ? (गिरिजायाके)

जिगु न्हासःया लिसः मव्युसें अमृत स्तन दनावत ।

जि धया - अय्सा आलमत नं हजि । थ्वयात नं सिद्धान्तहीन धाः ।

तर इमिसं धाल - जिमिसं मधया !



निर्मलं धाल - छ नाप पिने छकः थव (गिरिजा) सम्बन्धी बांलाक खँ ह्वाय् । तर थौं तक नं निर्मलं जिनाप खँ ह्वाय् गु कुतः याः गु महुनि । शायद बया गिरिजायाके छु आधारय् सिद्धान्त महु धाय् ववः छी मफयाच्चन जुइ छायाकि थः केहे निश्चित सिद्धान्त महु थव धयागुया आधार बिप्लवी लाइब्रेरी खः । तर बिप्लवी लाइब्रेरीनाप जिगु छुं कथं या तं महु । जिगु मत भिन्नता दुसा अनया व्यक्ति विशेष नाप जक दु । गुम्हेस्यां गिरिजायाके सिद्धान्त मखं । छु साहित्यिक मत भिन्नताहे सिद्धान्त महुगु बुइगुला ?

बिप्लवीला पब्लिक लाइब्रेरी खः । अन विभिन्न मनुतय्त्त ससकुस यानाच्चंगु खना । अन विभिन्न मनुतय्गु इच्छा पुवंका च्वंगु खना । अन जासुसि दुनियां खना, तिलस्मी दुनियां खना, अनहे यौन पाछायाच्चंगु दंगु हिन्दी उपन्यास नं खना अथेहे प्रगतिशील सफू नं खना तर थथे फुक सफू तयाः नं गिरिजायाके सिद्धान्त महु हँ ? थव फुक्क खँ लुमंकाः जितः व व्यक्तितय्त्त थथे धाय् मास्ति वः कि ईपि गोरखापत्र खः । उके बुइ अन गोरखापत्र नं दु !

मल्लयागु सिलुस्वांया आलोचना पिहाँ वल । देगः ह्याचा सफूया न्यागुगु पिषना मखय्फु धाल तर थव धाःगुया अर्थ छु ? गबले कि सफुती देगः ५ धकाः घोषणा यानातःगु दु ।

सिलुस्वां उपन्यास शैली पक्षय् न्हूगु धैगु स्वीकार यात । मनो-विश्लेषणात्मक उपन्यास धकाः घोषणा यात - थवहे सिलुस्वांया सफलता मखुला ?

वैचारिक खँ धाइ - वला थःनाप मिले जूहा मनू जूसा यौन कृचाःगु कृति नं प्रगतिशील खनी थव तःधंगु खँ मखु । यदि धातथेहा साहित्यालोचक खःसा कृतिया लेखकयाके दुबिनाः आलोचना याय्माःथे जितः ताः, मखु वैचारिक (सिद्धान्तिक) दृष्टिकोण आलोचना याय्गु सा थुकी जितः छु धाय्गु महु । तर धन्य गिरिजा, 'नेपाल' ऋतु पती थें 'श्री



मनू' पिहां मवः ।

मल्लया आलोचनां जितः कवि दुर्गालालया खं लुमंका बिल ।  
कवि दुर्गालालजुं भवजय् (जि थः दाजुया इहिपाः जूगुलि कवि  
दुर्गालालया नापं मेपि पासापि छपुचः भवय् बवनागु छः) गिरिजायात  
धयादिल - गिरिजा, छन्त जि अलगहे तयातंगु दु । जि छन्त अलगहे  
मिछां स्वयाच्चवनागु दु । (व अलग किसिमं स्वयाच्चवनादीगु दृष्टिकोण छु  
भव दुर्गालालजुं धयामदी ।) दुर्गालालजुं धयादिल - जि छंगु सिलुस्वां  
स्वयधुन । छं थने हइपि पात्रत जीवन्त जू । लेखक धैपि इमान्दार  
जुइमाः । थःगु तुगः खं स्पष्ट धाय् फय्केमाः । थव खंय् छ इमान्दार  
जू । थुकियात मेपिसं Slow Poison धाःसा धाय्ब्यु ।

Slow poison या नां न्ह्याःने वय्वं जितः 'सितु' ल्याः  
४७ या सम्पादकीय लुमंसे वल गुकी कविकेशरी चित्तधरयात ब्यूगु  
आर्थिक ग्वहालियात नेवाः मात्र यात Slow poison नकूगु धंगु  
संखा व्यक्त याना तःगु छगू अंश दु तर व Slow poison नं न  
नेपालभाषायात थिल न नेवाः मात्र यात थिल बरू स्वयम् सितुयात  
थिल । (तर आः हानं सितु पिहांवइगु न्यना)

लेखकया इमान्दारीयात मेपिसं Slow poison धाःसा  
ग्याय्म्वाः धया छूहा दुर्गालालजुहे गिरिजाया सफू प्रतिबन्ध धाय्गुलो  
मध्ये छहा 'प्रभावपूर्ण' व्यक्ति धंगु न्यना ।

जि आश्चर्य चाः - भवजय् अनौपचारिक रूपय् जूसां दुर्गालालजुं स्वीकार यानाछूगु दु कि थौं कन्हय् पिहांवयाच्चपि प्रगतिशील  
तय्गु लेखय् कला मदु ।

थुकिया अर्थ जू वइ वादया लोभि जुया जुल धाःसा साहित्यय्  
कलाया हत्या जू वं । थथे थूम्ह कवि छूम्ह मेम्ह कविया सफुती प्रतिबन्ध  
याय्गु छाय् स्वल जुइ ? ? ?



यदि वय्कः मखुसा नेपालभाषाया छम्ह लेखकयात याःगु अन्याय  
पुलुपुलु स्वयाच्चनेत वय्कःया भाषा अनुरागं गय् बिल जुइ जि मस्यु !

दुर्गालालजुया खँ वयाच्चंगुलि नेपालभाषा, नेवाः संस्कृति प्रति  
वय्कःयाके दुगु भावना, ममता नं न्ह्यथनाहे छवय् ।

वय्कलं श्वजय्नुगः मछिकाः धौदिल - भरतभाई थें ज्याःम्हेसिगु  
श्वजय्नि थथे मजुइमाःगु खः । (थथे वय्कलं पाश्चात्य संगीतय् प्याखं  
हुलाच्चोपि व पाश्चात्य म्हेयात संकेत यानादीगु खः) नेवाः म्हे व नेवाः  
प्याखंहे अन जूसा गुलि बांलाइ धंगु वय्कःया भावना खनाः जितः  
घाय्वल - श्व प्याखं हुयाच्चोपि बखुंचिया भाय् थूँपि जुइ । जिगु श्व  
लिसलं वय्कः लय्ताः मताः जि मस्यु तर जि अन व इलय् कारणवश  
मेगु लिसः वय्कःयात बी मफत उकिं जि थन न्ह्यथनाच्चना - पाश्चात्य  
संगीतयात संकेत यानाः भरतभाई थें ज्याःम्हेसिगु श्वजय्नि थथे मजुइ  
माःगु धौदिल श्व वय्कःयागु भाषा अनुराग खः, भाषिक चेतना खः ।  
तर व ईला लय्ताःया ई खः । इहिपाःया श्वय् खः । लय्ताया श्वय्  
खः । अन मनोरञ्जनया निरिति छुं नं साधन प्रयोग जूसां नेपालभाषाया  
अवमति जुइ थें जितः मताः ।

तर मुक्कं नेपालभाषा धकाः संगीत सम्मेलन यानाच्चंगु थासं  
गैर नेपालभाषा म्हे हाःगु इलय् कवि दुर्गालालजुया भाषा अनुराग गन ?  
भाषिक चेतना गन ? भावना गन ?

× × ×  
श्व पाश्चात्य संगीतया सन्दर्भय् जितः लुमंसे वः, यलय् जूगु  
धर्मादित्य धर्माचार्यया बुदि गोठ्ठी छम्ह नेपालभाषाया जिम्मेवार व्यक्ति  
नवानादीगु दु कि थौं कन्हय् प्रत्येक छेय् पाश्चात्य संगीतया साग  
जुयाच्चंगु दु गुकि स्पष्ट जू कि वय्कःया छेय्हे पाश्चात्य संगीतया  
वय् वय् जुयाच्चंगु दु ।



श्व खं न्हाथनागुया उद्देश्य वय्कलं हाय्केज्यू जि छाया मज्यू श्व  
धाय्थनागु मखु । वल्कि श्व छु कारण थथे जूगु खः कारण मालेत  
जिस्मेदार व्यक्तितय्त् अनुरोध जक यानागु खः ।

जि स्वय् थथे जूगुया कारण पाश्चात्य संगीतया न्ह्यःने फीसं  
कीगु संगीत विकास याय्मफुगुलि खः । गुलि पाश्चात्य संगीतया साधन  
(स्वासेत) उपलब्ध जुउ उलि नेबाः म्थेयां साधन उपलब्ध मजुउ ।

×

×

×

जिला विप्लवी गिरिजाया सफू जक मकाइगु धकाः च्वनागु  
तर मखु जुयाच्वन विप्लवी 'नसंचा' पत्रिका नं मकाः धकाः छम्ह पासा  
जितः कंगु दु । छाया धेगु लिसलय् वं पासां धाले - नसंचा यानाः इमिगु  
व्याहाचुलि नं वन्द यानाबी त्यन हँ ।

×

×

×

गिरिजा जनपक्ष मजू अथवा गिरिजां जनताया निंति मच्चं  
धकाः वं व्यक्तितय्त्सं नं गिरिजायात आरोप यानाच्वन गुपि कि साहित्य  
उपलब्ध दं वःगु जुजुया जन्मन्हि पतिकं दच्छि निदं यानाः थौं स्वदं  
यनाच्वन । जवकि गिरिजां नीदं न्ह्यः निसं थौं तक मदिवक थःगु  
जीवन साहित्यय् पानावयाच्वंगु दु ।

×

×

×

श्व आलोचना मखु, वकालत नं मखु । श्व थुलिहे खः कि साहित्य  
दुने साहित्य पिने बुयावयाच्वंगु छुं चर्चाया छुं छुं चर्चा जक यानागु खः ।

+



थौंया युग फेशनया युग खः

उकें - थौंया युग लिसे स्वाय्त

- थःत यो कथं न्हू न्हूगु धाँचां कोट, पाइन्ट,  
लं आदि वसः ज्वलंत सुइकेत

- छिकपिन्त लुधनीगु किसिमं दंक, बल्लाक  
व धाःगु इलय् सिधय्केत, सेवाय्

जिपिं तयार दु । जिमित लुमंका दिसँ -

सि. डि. टेलर्स

कालिमाति - ५/२७

तःजिगु मोहनी नखःया भिं लसताय्

सकल नेपाःमितय्त

जिमिगु दुनुगलं निसँ

भिन्तुना

पो. ब. नं. ७९०

फोन नं. १३८६८

केबल - GYANSAHU

एसोसियटेड इन्टरप्राइजेज

प्याफल

वे



# प्रिय ! छं मनंतुंगु म्ये जिं हाले

किरण साय्मि

छं मनंतुंगु-म्ये, संगीत व कबितात प्रिय  
जि अबश्व हालेतिनी ।

जि अबश्व थ्वय्केतिनी ।

जि अबश्य न्यंकेतिनी ।, याकनं हे  
थ्ये जिहिं याय्मते प्रिय । छाय्कि-थौं

जिगु कथुहे तिनाब्यूगु दु

जिगु बाजंहे लाका ब्यूगु दु

जिगु च्वसाहे लाका ब्यूगु दु । तर, थौंया जिगु बाध्यतायात

सिथिलता ताय्केमते । थौंया जिगु बिबशतायात

निस्क्रियता ताय्केमते । छाय्कि,

थौंया असमान ध्वःत हुयाः

समान ध्वःत किइगु निंति, कन्हे

सगरमाथाया च्वकाय् च्वनाः

जि अबश्य म्ये हाला च्वंगु दइ

मेची, कोसी व महाकाली लिसें

क्रान्तिया सः थ्वय्का च्वंगु दइ

चुक सतक व गल्लि गल्लिइ

क्रान्ति कबिना न्यंका च्वंगु दइ ।

+



# चुइकेगु खुसिया परम्परा खनिइसा ।

—रामशरण सायमि

दच्छि दच्छि तक  
वा वइगु ई पिया:  
थःगुथे ताय्का च्वंगु बुँइ  
ज्यापुं वा पिइ ।  
खुसि सिथय्सं च्वंगु  
वामा चुलिहे जाय् मलाय्कं  
खुसिया दमन पूर्ण नीति  
वाः वइगुलि (वा वइगु इलय्)  
चुइका यनिइ ।  
बुँइच्वंगु छुं नं  
थः मचाखाचा थे  
भाः पिइम्ह ज्यापुं  
अनार्थपि मस्तय्त जूगु  
(अबु दयां नं)  
अन्यायपूर्ण दमन स्वय् मफया  
हानं नं खुसि सिथय्सं  
वा पुसा व्हलिइ ।

छुं ई तक्क जक  
चवथ्यंक बाः वइगु खुसि  
ज्यापुया हानं हानंया कुतलं  
क्वक्वजक बाः वनाबिइ  
थथे जूगुयात  
खुसि श्रद्धातःगु थे  
भाःपिउम्ह ज्यापुं  
दच्छि लिपा हानं  
खुसि वामा चुइकायंकाच्वंगु खनिइ ।  
लिपा लिपा तक  
ई त्यः लिसे  
चुइके यंकेगु हे  
थःगु परम्परा  
ताय्काच्वम्ह खुसिया  
लं हिइका बिइगु बिचाः  
ज्यापुं कयां त्वतिइ ।

+



## धिसिवक धें

-जि. बि. जोशी

- पंचायत पार्टीया भाषण जूगु मखुला ?

- खः

- गुलित न्योपि दुले ?

- न्यतिपि महु स्वैपि जक दु का ।

- छु स्वैपि ?

- गुम्हं तितिखोः दुने मिया तःगु सामान न्याय्त स्वैपि, गुम्हं धारारारा घुरुरु जूगु तमास स्वैपि ।

एम. ए. पास याना लिहां बःह्य काय् यात गामय्या छह्य बुरां थःगु स्यना च्वंगु रेडियो छगः - थव स्यना च्वन दय्कि धका बिल । तर एम. ए. पास याना बःह्य काय् नं स्यंगु रेडियो छगः हे दय्के मफूगु खंबले बुढा जागय् जुया ब्वःबिल - गज्यागु थासय् एम. ए. धागु पास याना वया छं ? जाबा स्यंगु रेडियो छगः हे ह्म्वने मसय्क ।

तरकारी भा नियन्त्रण यावःपि पुलिस तय्सं छह्य ज्यापु यात ज्वना हाकिम याथाय् यंकल - हाकिम नेवाहे लाना च्वन ।

हाकिम - यस्ताई किन ल्याएको ?

पुलिस - ३० पैसा नजाने एक मुठा धनियालाई छ सुका भनेर बेचिरहेकोले ।

हाकिम - खःला छं छयु- धन्याया स्वमोलं मियाचवतागुला ?



ज्यापु - मखु हजुर छथुया छसुकां मियाचवनागु थमिसं थिकेक  
मिलधया जवनाहल ।

खुल्ला मंचय् चवनाः ततःसकं भाषण याना चवंहा छह्य नेता  
खना छह्य मनूमं थः पासा यात धाल - का स्वले उखुनु तिनी घुस  
नःगुलि लाना कुनातह्य जेलं पिहाबःह्य थौं नेता जुयाचवन ।  
- का छु धैगु आमु थौं नेता जक जुल कने तन्त्री जुईतिनी स्वले ।

॥

२०३६

बिजया दशमीया न्हयै पूगु

लसनाय्

यात्रुवर्ग व सकल नेपाःमि तयत

भिन्तुना



शाही नेपाल बायुसेवा निगम

कान्तिपथ, येँ ।

फोन - १४५११



## खने मरु मरु

१. अःपुक न्यापुचः यायेगु

१	६	७	८	९
१०	२	११	१२	१३
१४	१५	३	१६	१७
१८	१९	२०	४	२१
२२	२३	२४	२५	५

२. ८१ मा

जोड ६५ ६५ ६५ ६५ ६५

३. स्वपु सलाइ बँय्तया छगू स्वकुं दय्का दिसँ । व स्वकुं या स्वंगू कुनय् मेगु स्वपु सलाई धंकाः छथाय्तुं त्वका दिसँ । थथे यायेबले प्रिजम Prism छगू दः वइ ।

तःजीगु मोहनीया लसताय्  
सकल देश वासीतय्  
उत्तरोत्तर सम्बृद्धिया  
नापं

श्री दुर्गा भवानी औद्योगिकरण याय्त  
प्रेम्णा बीमा धका  
हार्दिक भिन्तुना देछाना ।

नेपाल औद्योगिक बिकास कर्पोरेसन  
परिवार



## चु चिनाखँ-छज्वा:

अन्याःया धर्कि क्चारर खुना  
सोतिपायँयात चचिफुना  
शोषनमहलया स्वाहाने थुनाः  
धरती व सर्गः छस्वा यानाः  
बिद्रोहया चिलाख ज्वनाः  
व, बिद्रोहि जुया दं बःगु दु ।

- लक्ष्मीप्रसाद साय्मि

पंज.या बन्धन दुने  
लानाच्चर्वि - की  
गुबलेतक मुक्त जुइ फेमखु  
उबलेतक थव जीवन  
सफल भा पे फे मखु ।

- योगेश्वर बहादूर श्रेष्ठ

अभूत पूर्व उत्साह  
अभूत पूर्व निश्क्रयतां जाल  
निरीक्षणयाना  
मन्त्रीदल लिहां वन ।

-सत्यस्वरूप दत्त  
(भारत)

मुखू ब्यनाः उन्मत्त जुया  
होगु स्वां गुलि बांला  
थवय्वं बँय्लाः वनीगुलि दुःख तायेका  
सुखु चिना कयन - बिबशता  
कल्पना यागु खेमखु वं  
छन्हू क्वाः जुइ तिनीगु - जीवन ।

- शुभ साक्य

खुसि बाःलं बाँध थुंगु हसनां  
जिगु बिश्वास कत क्वातुल  
स्वतन्त्र जिगु सःयात पनीगु  
पःखाःयातनं जिगुहे सलं  
थुनाः छ्वैतिनी धैगु थुल ।

- साय्मि, के. के.

छ जिगु नुगल्य दः सिनी  
किपा भ्वंया खः  
दतं छु, मन्तं छु ।  
क्यालं क्यालं मिखा चूलाय्वं तंय  
मनूत  
जूसां छु, मजूसां छु !

-नगू

+



# जिमिगु खँ

थी थी भाय्या प्रतिनिधित्व मुनाः, मंकाः खलःया  
वसालय् जूगु आमसभा, मंकाः कुतलं भाय्प्रति जूगु दमनया  
बिरोध - नेपाःया इतिहासय् न्हापांगु खः । थुगु ल्याखं उगु आमसभाया  
बिशेष महत्व दु । नापं कन्हेखुनु रेडियो नेपाःलं आपकीट थी थी भाय्या  
म्ये प्रशारण याय्गु 'फूलबारी' कार्यक्रमया घोषणा अवश्यनं मंकाः कुतःया  
पलाःयात खतरा ताय्का उकेयात दिकेत याःगु खःसां तबै छुं भति  
अमिगु नीतियात ववछुके फूगु - सफलताया चिं खः धाय्मा । थुकें  
प्रस्त वयं की छखलः छखलः जुयाः तय्गु सः सिबय्न् मंकाः कुतलं  
जुइगु ज्यां याकनं सफलता हासिल यायेफु । उकें, भाषाप्रति समान  
व्यवहार जुइकेत हानं हानं नं मंकाः कुतःया आवश्यक जू । थुकेया लागि  
थवं थवय् बांलाःगु समऊदारी दय्माः । थथे जूसाहे तिनी आजु की  
लिसे सत्तिक वइ ।

सुभाय् मंकाः खलः यात ।

भिन्नुन्ना मोहनी नःखया लसताय् सकल नेपाःमितय्त ।-

मोहनि नखं  
सकल ग्राहकतय्त  
भि यायेमा ।



**नेपाल बैंक लिमिटेड**  
(स्थापित १९५४)



तःजिगु भोहनि नखःया

भिं लसताय्

सकल नेपाःमि तय्त

जिमिगु दुनुगलं निसैं

भिन्तुना !

रत्न फीड इण्डस्ट्रिज  
बालाजु औद्योगिक क्षेत्र  
ये



तःजिइगु कापः उत्पादनं देया आयात

प्रतिस्थापनय् तिबः बिया वइच्चंगु

श्री बंशीधर इण्डष्ट्रिज लि. या कचा

गणपति कटन मिल्स, बिराटनगरं

**उत्पादित**

पोलिस्टर, सूटिंग व तःताजिइगु सुतिकापःयात

छ्यलाः स्वदेशी उद्योग यात

थकायत

अबसर बियादिसँ ।



नेपाल सम्वत् ११०० न्हूँया लसताय्

तय्जूया मेगु ल्याः

नेपाल भाषायाः साहित्यकारतय् विचा कःथाना

विचाः विशेषांक

जुयाः

पिदनीगु दु ।

धाकुथि : चांमुन्द्रा प्रेस, थतखा, ये ।